

四庫全書

史部

欽定四庫全書

史部

欽定續通典卷四十五

詳校官監察御史_臣曹錫寶

洗馬_臣王坦修覆勘

校對官修撰_臣

騰錄舉人_臣

汪如洋

汪鳴

欽定四庫全書

欽定續通典卷四十五

禮

臣等謹案杜佑作禮典分吉嘉賓軍凶五門以類相從每門詳晰其條目而當代典章其儀節度數見于施行者別為開元禮纂附載于後佑之意在于遞述沿革博采異同以求實用于經訓之文有典與者則為之說以導達之參差之論有不齊者

則為之評以品節之而時又申明成說更標為議俾得稽古考今衷于至是其卷端所述禮經傳述之源流與夫每代議禮之書咸能擇其精而括其要矣今續纂其書彙核典制考前人撰述唐憲宗元和中韋公肅撰禮閣新儀三十卷實繼開元禮而作後唐明宗時詔劉岳等刪定書儀周世宗命竇儼編大周集禮其書皆不傳宋初劉溫叟定開寶通禮仁宗時王皞又撰禮閣新編為當時所遵

用其後朝臣編纂日以繁富其著者有若賈昌朝
太常新禮文彥博大享明堂記歐陽修蘇洵等太
常因革禮蘇頌閤門儀制之類至私門著述若陳
祥道禮書司馬光書儀范祖禹呂大防諸家祭式
祭儀並見稱于世而政和時鄭居中纂五禮新儀
嘉泰時費士寅奏進續禮書尤能詳覈其端末焉
遼史所載有遼朝雜禮重熙中又嘗命詞臣撰禮
書三卷金明昌間有纂修雜錄四百餘卷後惟傳

集禮一書元泰定中李好文撰太常集禮五十卷
王守誠續編集禮又三十卷明初詔宋濂劉基等
撰洪武集禮洪武禮法禮制集要諸書世宗又頒
嘉靖祀典郊社通典及壇廟陵殿諸圖就其存者
胥可與歷代禮志相參考凡夫臣僚章奏名臣論
著考核禮文見于紀傳文集者皆議禮家所藉以
疏通證明者也至于杜典門類有宜變通者如吉
禮載立尸之儀被禊之制嘉禮載被召未謁稱故

吏之儀凶禮載秀孝為舉將服議在古人本非定
典不過舉行一時未嘗施于後世其廢已久無庸
續纂吉禮有諸侯立學自封建不行宜改為郡縣
學嘉禮則士庶之冠服與夫士庶妻之首飾服制
庶人車制皆杜典所闕賓禮則載接見藩國之儀
軍禮則詳閱兵習武之禮凶禮則述諸王服制各
据史志會要以補原書之闕遺而通洽其義蘊所
謂損益從時而制禮之意相承也夫自唐季以迄

明季中歷八百餘年風會變遷文質屢易制度有
因有革議論或駁或醇方策所傳法戒具在今采
正史所載儀制證以他書文汰其繁事舉其要分
門標目仍杜典之舊俾列代禮文有所徵信云

按漢

魏至唐議禮之家通典俱列其姓氏以備考稽唐
自開元以後辨論朝章綴緝故事見于正史及傳
記諸書者有顏真卿柳程韋公肅王彥威王經李
隨獨孤儀陸贄孟詵徐閏鄭正則賈瑱鄭餘慶裴
度韓愈李翱楊瑒五代有劉岳馮道田敏實儼王
朴宋有王溥聶崇義劉溫叟陶穀宋白李昉賈昌
朝張知白宋綬文彥博高若訥歐陽修韓琦許洞
王安石李德芻陳襄司馬光范祖禹呂大防張載

程頤鄭居中朱熹黃幹蔡元定王栢范寅鄭樵
史定之張維葉克陳暘陳祥道陸佃王普李如圭
史浩馬希孟方慤陳傅良汪應辰項安世楊復真
德秀魏了翁李心傳王應麟吳仁傑劉彝孫奭周
端朝遼有王鼎耶律儼金有韓企先張瑋張行簡
元好問元有曾巽申申屠致遠袁楠李好文虞集
歐陽元揭傒斯明有李善長傅瓛宋濂王禕劉基
陶安詹同等朱升樂韶鳳李原名徐一夔梁寅周子
諒胡行簡劉宗弼滕公琰夏言張璉郭正域焦竑
陳仁錫謝鐸何塘朱載堉俞汝輯等或纂輯舊聞
或撰定法式舉其尤者不能徧及也

第一吉禮 郊天上

第二吉禮 郊天中

第三吉禮 郊天下

第四吉禮 大雩 大亨明堂

第五吉禮 朝日 夕月 大禘 靈星 風師雨

師及諸星等祠 太一

九宮貴神附

第六吉禮 方丘

神州后土附

社稷 山川 藉田 先

蠶

第七吉禮 天子宗廟 原廟 后妃廟 皇太子

及皇子廟

第八吉禮

諸侯大夫士家廟

庶人祭寢附

天子皇后及

諸侯大夫士神主

藏主室及題版制附

時享

薦新附

禘祫

第九吉禮

功臣配享

天子七祀

喪廢祭議

祭遷日及攝事議

上陵

拜掃及諸節上食附

太學

郡

縣學

釋奠

祀先代帝王

名臣附

老君祠

第十吉禮

孔子祠

先儒及弟子附

太公廟

巡狩

封禪

告禮

歷代所尚

享司寒

禋

高禘

諸雜祠及淫祠興廢

第十一嘉禮

天子加元服

皇太子冠

皇子皇士
孫附

大夫冠

庶人冠

女笄

第十二嘉禮

冕

通天冠

承天冠

金文金冠
實里薛袞冠
七寶重

項冠

珠子捲雲冠

遠遊冠

七梁額花冠
進
德冠
保和冠

金鳳頂漆紗冠

忠靜冠

進賢冠

貂蟬冠

連蟬冠

獬豸冠

翼善冠

紗冠

金梁冠

甲

武弁

皮幘
平巾幘
項幘

空帽

烏紗帽

硬帽

小帽

金錦暖帽

紅金答

寶貝帽

七寶漆紗帶

後簷帽

學士帽

錦
烏

雨帽

遮陽帽

烏紗描金曲脚帽

烏

紗小頂帽巾 皂紗折上巾 紫皂幅巾 幅巾
金鵝帽巾 吐鵝巾 軟角唐巾 進士巾

巾 四方平定巾 軟幘頭 交角幘頭 鳳翅幘
四帶巾 幘頭 頭 控鶴幘頭 花

角幘頭 皂緇紗幘頭 練省 簪戴 重戴
幘頭 漆紗幘頭 交脚幘頭 幘頭

鉞笠

第十三嘉禮

天子納妃后

冊后附

天子冊妃嬪夫人

第十四嘉禮

皇太子納妃

皇子諸王附

公主下降儀

宗室

附

大夫士婚禮 庶人婚禮

第十五嘉禮

君臣服章制度

袍附

第十六嘉禮 后妃命婦首飾制度 后妃命婦服

章制度

第十七嘉禮 君臣玉佩劍綬璽印

第十八嘉禮 天子五輅 副輅 耕耜車 進賢

車 明遠車 羊車 指南車 記里鼓車

白鷺車 鸞旗車 崇德車 皮軒車 黃鉞

車 豹尾車 屬車 五車 涼車

第十九嘉禮 皇太后皇后車輅 皇太子親王車

輅皇太孫附 公侯大夫等車輅 主妃命婦等車

第二十嘉禮 輦輿

第二十一嘉禮

鹵簿

旌旗附

第二十二嘉禮

鹵簿

旌旗附

第二十三嘉禮

養老

異姓為後議

讀時令

元正冬至受朝賀

朔望朝參常朝附

及

第二十四嘉禮

聖節朝賀

策命皇太子

皇太

子與百官相見

冊命諸王侯

天子追尊祖

考妣

上尊號附

天子宗所生母議

追崇附

支庶立為天

子追尊本親議

五宗

公子二宗

九族

鄉飲酒

第二十五賓禮

天子受諸侯藩國朝宗覲遇

第二十六賓禮

天子受諸侯遣使來聘

天子遣

使迎勞諸侯

第二十七賓禮

三恪二王後

天子朝位

天子

上公及諸侯卿大夫士等贊信節

第二十八軍禮 天子諸侯將出征類宜造禡並祭

所過山川 輟祭 天子諸侯四時田獵大

閱 命將出征 宣露布

第二十九軍禮 天子諸侯大射鄉射 天子合朔

伐鼓 馬政 馬祭附 時儺

第三十凶禮 大喪初崩及山陵制 總論喪期

奔大喪 奔山陵附 國有大喪受他國弔慰服議

遣使弔他國君

第三十一凶禮 未踰年天子崩議 天子為繼兄

弟統制服議 天子不降服及降服議 天子

為皇后父母服議

皇后為祖父母服附

天子為庶祖母持

重服議 天子為母黨服議 天子弔大臣服

議 天子為大臣及諸親舉哀議 公主服所

生議

第三十二凶禮 臣民為太皇太后皇太后服議

臣民為天子服議 皇太后皇后以下為天子

服議 宗室童子為天子服 皇后為親屬舉

哀議 皇后親為皇后服議 臣民為皇后服

議 皇太子為皇后不終三年服議 皇太子

為所生母服議 皇太子為庶母服議 諸王

出後為本生父母服議 為皇太子服議 為

太子妃服議 為皇子服議 為宮主服議

為諸王服議 為諸王妃服議 為王子殤服

議

第三十三凶禮

喪制上

初喪

復

始卒事位及奠訃告等附

大夫士弔服

三不弔議

沐浴

會襲

設冰

設銘

懸重

始死服變

始死襚

大斂

附 繼

小斂

既小斂斂髮服變

小斂奠

代哭附

棺槨制

第三十四凶禮

喪制中

大斂

大斂奠

殯

設熱

附

將葬筮宅

卜日附

啓殯朝廟

薦車馬明器及

飾棺

袒奠

賙賻

遣奠

器行序

挽歌

第三十五凶禮

喪制下

葬儀

台喪附

虞祭

卒哭

祭

祔祭

小祥變

大祥變

禫變

五服

成服及變除附

五服衰裳制度

五服制度

考

第三十六凶禮

五服年月降殺

斬衰三年

孫

為祖持重議

適孫亡無後次孫為祖承重議

適孫承重在喪而亡次孫代之議

齊衰三

年

後妻子為前母服議

為高曾祖母及祖

母持重服議 父卒母嫁復還及庶子為嫡母

繼母改嫁服議 父卒為嫁母服議 齊衰不

杖周 齊衰三月 大功殤服九月七月 為

衆子婦 小功殤服五月 小功成人服五月

嫂叔服 總麻成人服三月 舅之妻及堂

姨舅

第三十七凶禮 三公諸侯大夫降服議 奔喪及

除喪而後歸制 士為所生母服議 大夫士

為慈母服議 繼適母黨服 妻已亡為妻父

母服議 總論為人後議 近親無繼官為繼

絕議 間代立後議 夫為祖曾祖高祖父母

持重妻從服議 出後者為本父母服議 出

後子為本親服議 為庶子後為庶祖母承重

服議 並有父母之喪議 有適母喪而所生

母死為服位議 居重喪遭輕喪易服議 居

所後父喪有本親喪服議



第三十八凶禮 祖先亡父後卒而祖母亡服議

祖與父先後喪亡服議 生不及祖父母不稅

服議 小功不稅服議 庶祖母慈祖母服議

父母乖離知死亡及不死亡服議 為姑姊

妹女子子無主後者服議 昏有期而夫死服

議 喪遇閏月議 忌日議 國忌日議 忌

日祭奠議 忌日祭祀停樂議 忌日易服議

忌日不廢軍務議 立春遇忌日議 慶節

遇忌日議 忌日輟經筵議 祧廟廢忌日議

忌日舉樂議

第三十九凶禮 師弟子相為服議 朋友相為服

議 除心喪議 周喪察舉議 丁憂終制議

改葬服議 改葬反虞議 父母墓毀服議

三年而後葬變除議 久喪不葬服議 招

魂葬議

第四十凶禮 卒哭後諱及七廟諱字議 上書犯

帝諱議 山川與廟諱同應改變議 諫議

喪禮雜制 服術有六 從服有六 絕族無

移服 上殺下殺旁殺 親疎嫌疑同異 五

服十制四疑 冠制 笄總制 經帶制 杖

制 履制 喪不用樂 喪不宴客 喪不嫁

娶 匿喪不舉 釋服從吉 停喪不葬 神

像 墓祭 禮從簡約 居喪讀禮

吉禮

臣等謹案吉禮以郊廟為重杜佑通典述歷代郊天明
堂社稷山川宗廟祫禘之制與夫太學釋奠巡狩
告禮以及享饗諸雜祀其儀文可謂備矣夫祭必
躬親致慤致虔交于神明以通昭假前代每遇大
祀人君多遲疑畏憚于對越屆期或遣官攝行
縱使辨章舊聞核定儀度豈有當于誠敬之本哉
況夫所議之禮又未協于中也如南北郊之分祀
開元禮頗為合宜至天寶而即自紊其制改為合

祀至宋而舉行益稀議論徒為繁蕪明堂之制遼
金元俱未舉行明嘉靖中始議舉祀然大享卒未
親舉內殿殷薦亦祇有司攝事則當時所為更正
祀典及于羣廟百神者亦僅事虛文耳今自天寶
以後每門存其儀注證以議論以備考覈惟杜典
載禋于六宗及移廟主師行奉主諸儀與夫兄弟
俱封各得立禰廟諸議悉後世所不行茲不復續
纂老君祠附見先賢頗乖名制亦為釐正焉

郊天唐五代 宋

唐玄宗天寶元年二月丙戌詔曰凡所祭享必在躬親朕不親祭禮將有闕其皇地祇宜就南郊合祭辛卯親

享立元皇帝于新廟

二年三月改西京立元廟為太清宮

甲午親享太廟

按唐自天寶以後凡將郊祀必先親享太清宮次日親享太廟次日合祭天地謂之三大禮宋人因之先郊三

日奉謚冊寶于太廟次日親享玉清昭應等宮非禮之禮呂升卿議之是矣語見後

三月丙申合

祭天地於南郊

按唐書禮樂志玄宗既定開元禮至是合祭天地于南郊其後遂以為故事終

唐之世莫能改也

自後有事圜丘皆天地合祭若冊命大事告

欽定四庫全書

欽定續通典

卷四十五

十四

圜丘有司行事亦如之五載十二月詔曰祈穀上帝春
祀先王永惟因心敢忘如在頃以詳諸舊典創以新儀
清廟陳牲加特于嘗餼昊天冬祭重增以時享況履茲
霜露載感惟深瞻彼郊壇有懷昭事宜以來歲正月朕
親謁太廟便于南郊合祭仍令中書門下即與禮官詳
定儀注九載十一月制自今告獻太清宮及太廟改為
朝獻以告者臨下之義故也十載正月壬辰朝獻太清
宮次日朝饗太廟又次日有事于南郊合祭天地

是載
五月

已前郊祭天地以高祖神堯皇帝配座先日廟告神堯皇帝室德宗貞元六年十一月

有事于南郊詔以皇太子為亞獻親王為終獻吏部郎中柳冕曰準開元禮獻官受誓戒詞云各揚其職不供其事國有常刑今以皇太子為亞獻請改舊詞云各揚其職肅奉常儀從之穆宗長慶三年太常禮院奏郊壇祠祀遇大雨雪廢祭其禮物條件如後御署祝版既未行祭禮無焚毀之文請于太常告敕庫收貯而其小祀雖非御署准此玉幣燎柴神酒燎幣醴齊並榛栗脯醢

及應行事燭等請令郊社署各牒充次祭支用牲牛參
牲既未行祭禮無進胙賜胙之文請比附禮記及祠令
牲死則埋之例委監察使及禮官于祠所瘞埋其小祀
不全用牢牲舊例用猪羊肉亦准此案盛瓜蒔笋蒔應
已造成饌物請隨牲瘞埋行事官明衣絹布等准式既
祭前給訖合充潔服既已經用請便收破公卿已下明
房油煖幕炭應齋宿日所破用物請收破旨依永為定
式文宗太和元年王起判太常卿充禮儀詳定使創造

禮神九玉奏議曰邦國之禮祀為大事珪璧之儀經有
前規謹按周禮以蒼璧禮天黃琮禮地青珪禮東方赤
璋禮南方白琥禮西方黑璜禮北方又云四圭有邸以
祀天兩圭有邸以祀地圭璧以祀日月星辰凡此九器
皆祀神之玉也又云禋祀祀昊天上帝鄭元云禋煙也
為玉幣祭訖燔之而升煙以報陽也今與開元禮義同
此則焚玉之驗也又周禮掌國之玉鎮大寶器若大祭
既事而藏之此則收玉之證也梁代崔靈恩撰三禮義

宗云凡祭天神各有二玉一以禮神一則燔之禮神者
訖事却收祀神者與牲俱燎則靈恩之義合于禮經今
國家郊天祀地祀神之玉常用禮神之玉則無請下有
司精求良玉創造九器祭訖藏之其燎玉即依常制從
之昭宗龍紀元年將有事于圜丘上宿齋武德殿宰相
百僚朝服于位時兩軍中尉楊復恭及兩樞密皆朝服
侍上太常博士錢珣李綽等奏論之曰皇帝赴齋宮內
臣皆服朝服臣檢故事及近代禮令並無內官朝服助

祭之文伏惟陛下聖祚中興祇見宗祧克承大禮皆稟
高祖太宗之成制必循虞夏商周之舊經軒冕服章式
遵彞憲禮院先准大禮使牒稱得內侍省牒要知內臣
朝服品秩禮院先准禮令報訖今參詳近朝事例若內
官及諸衛將軍必須製冠服即各依所兼正官隨資品
依令式服本官之服事存傳聽且可俯從然亦不分明
著在禮令乞聖慈允臣所奏狀入至晚不報錢珣又進
狀曰臣今日已時進狀論內官冠服制度未奉聖旨伏

以陛下虔祀郊禋式遵彛範凡闕典禮必守憲章令陛下行先王之大禮而內臣遂服先王之法服來日朝獻大聖祖臣贊導皇帝行事若侍臣服章有違制度是為非禮上瀆祖宗臣期不奉敕狀入降朱書御札曰卿等所論至當事可從權勿以小瑕遂妨大禮于是內四臣遂以法服侍祠

梁太祖開平二年正月卜郊于西都時宰臣上表請郊天謁廟命有司擇日備儀因先布告岳牧方伯儀仗車

輅鹵簿法物祭器樂懸各令所司修飭以河南尹充都
點集諸司法物使後禮院改卜來年正月親祭南郊可
之其郊使有詳定禮儀使南郊儀仗使車輅法物使南
郊大禮使

故事大禮使以宰相為之時用河南尹張宗奭充非常例也

三年詔曰初

宅雒都將行郊祀應嶽瀆名山大川及諸州有靈迹封
崇聖祠各宜差官吏精虔祭告

後唐莊宗同光二年二月有事于南郊先期禮儀使奏
南郊朝饗太廟合祭天地于圜丘舊制以親王充亞獻

行事詔以皇子繼岌為亞獻皇弟存紀為終獻明宗長

興元年二月有事于南郊

按五代郊天之禮史書未詳晉漢二代竟無所書惟遼史

太宗本紀載會同三年晉遣使請南郊許之則晉代郊天之明文也

周太祖廣順三年十月內出御札曰王者承天事地尊

祖敬宗燔柴于泰壇用昭乾德瘞玉于方澤以答坤靈

朕受命上元宅心下土時已歷於三載漸至小康禮未

展于二儀深虧大典宜叶著龜式陳籩豆庶展吉蠲之

禮用傾昭事之忱以來年正月一日於東京有事南郊

宜令所司各備儀注務從省約無致煩勞凡有供需並用官府縣不得因便差配是年九月太常禮院奏准敕定郊廟制度洛陽郊壇在城南七里丙己之地圜丘四成各高八尺一寸下廣二十丈再成廣十五丈三成廣十丈四成廣五丈十有二陛每節十二等燎壇在泰壇之丙地方一丈高一丈二尺開上南出戶方六尺請下所司修奉從之

宋太祖乾德元年十一月始有事於南郊

初詔冬至南郊有司言冬

至當晦前一日皇帝始郊不宜近晦乃改自五代以來用十六日甲子此因近晦改卜郊期者

典章制度多所散逸至是詔有司講求遺逸遵行典故遂合祭天地於圜丘初有司議配享請以僖祖升配張昭獻議曰隋唐以前雖追立四廟或六七廟而無徧加帝號之文梁陳南郊祀天皇配以皇考北齊圜丘祀昊天以神武升配隋祀昊天於圜丘以皇考配唐貞觀初以高祖配圜丘梁太祖郊天以皇考烈祖配恭惟宣祖皇帝積累勲伐肇基王業伏請奉以配享從之

按梁及後唐郊

壇皆在洛陽宋初始作壇于東都南薰門外四成十二
陛三壇設燎壇於內壇之外丙地高一丈二尺設皇帝
更衣大次于東壇東

是年禮儀使陶穀

五代宰相為大禮使太常卿為

禮儀使御史中丞為儀仗使兵部尚書為鹵簿使京府
尹為橋道頓遞使宋制大禮頓遞如舊而大禮使或以
親王為之又尚以翰林學士為禮儀使其儀仗鹵
簿使或以他官充太平興國元年始鑄五使印

言饗

廟郊天兩日行禮從祀官前七日皆合於尚書省受誓
戒自來一日之內受兩處誓戒有虧虔潔今擬十一月
十六日行郊禮望依禮文十八日先受從享太廟誓戒
九日別受郊天誓戒其日請放朝參從之自後百官受

誓戒於朝堂宗室受於太廟祭之日均用丑時秋夏以

一刻春冬以七刻前二日遣官奏告配帝之室

凡郊壇值雨雪

即齋宮門望祭殿望拜祭日不設登歌祀官以公服行市皆給明衣其常祀天地皆內降御封香仍製漆匱付

光祿司農寺

時吏部尚書張昭等奏議曰案聶崇義稱祭天

蒼璧九寸圓好祭地黃琮八寸無好圭璋琥並長九寸

自言周顯德三年與田敏等案周官玉人之職及阮諶

鄭元舊圖載其制度臣等案周禮玉人之職只有璧琮

九寸瑑琮八寸及璧羨度尺好三寸以為度之文即無

蒼壁黃琮之制兼引注有爾雅肉倍好之說此即是注
璧羨度之文又非蒼壁之制又詳鄭元自注周禮不載
尺寸豈復別作畫圖違經立異又配合羨度肉好之言
彊為尺寸古今大禮順非改作于理未通又據尹拙所
述禮神之六玉稱取梁桂州刺史崔靈恩所撰三禮義
宗內昊天及五精帝圭璧琮璜皆長尺二寸以法十二
時祭地之琮長十寸以倣地之數又引白虎通云方中
圓外曰璧圓中方外曰琮崇義非之以為靈恩非周公

之才無周公之位一朝撰述便補六玉闕文尤不合禮臣等以靈恩所撰之書聿稽古訓祭玉以十二為數者蓋天有十二次地有十二辰日有十二時封山之玉牒十二寸圜丘之籩豆十二列天子以鎮圭外守宗后以大琮內守皆長尺有二寸又裸圭尺二寸王者以祀宗廟若人君親行之郊祭登壇酌獻服大裘搢大圭行稽顙而手秉尺二之圭神獻九寸之璧不及禮宗廟裸圭之數父天母地情亦奚安是靈恩議論未為失也開寶

元年十一月癸卯日南至有事南郊以燎壇稍遠不聞告燎之聲始用燿火令光明遠照通於祀所四年七月

詔冬至郊祀十一月戊午親享太廟始用繡衣鹵簿

考鹵

簿凡四等大駕法駕鑾駕黃麾仗先是大駕鹵簿衣服旂幟皆五絲繪畫至是盡易以繡凡郊祀藉田薦獻玉清昭應景靈宮用之已未合祭圜丘九年詔曰定鼎洛邑我之西

都燔柴大壇國之大事今江表底定方內大同祇適景靈用申報謝乃眷西顧郊兆存焉將飭駕以時巡躬展誠於陽位朕令幸西京以四月有事於西郊宜令有司

各揚所職

按梁太祖建都于汴而郊壇則在洛陽開平二年帝自東京至洛都行禮後唐莊宗同光

二年張全義亦請亟幸洛陽謁廟畢即祀南郊以均王將祀南郊儀物具在是梁唐郊壇在洛之明證也太祖

親郊凡四獨是歲行之于洛陽又在四月蓋本非曩典第以洛都元有郊兆是年欲徙都于洛故因西幸而特

行其禮云

太宗太平興國三年十一月祀天地於圜丘始奉

太祖升侑

按宋初南郊四祭及感生帝皇地祇神州凡七祭並以四祖迭配太祖親郊者四並以宣

祖配太宗即位其七祭但以宣祖太祖更配及是乃奉太祖升侑雍熙元年冬至親郊復議配享禮官始以為

舜郊畷商郊冥周郊后稷王業所因也若漢高之太公光武之南頓居雖有帝父之尊而無預配天之祭故自

太平興國三年六月再郊並以太祖配于禮為允及是將東封扈蒙定議曰嚴父莫大于配天請以宣祖配天

自雍熙元年罷封禪為郊祀遂行其禮識者非之

雍熙四年正月禮儀使蘇易

簡言親祀圜丘以宣祖配此則符聖人大孝之道成嚴父配天之儀太祖皇帝光啓丕圖恭臨大寶以聖授聖傳於無窮案唐永徽中以高祖太宗同配上帝欲望將來親祀郊丘奉宣祖太祖同配其常祀祈穀神州明堂以宣祖崇配圜丘北郊雩祀以太祖崇配奏可淳化三年將以冬至郊前十日皇子許王薨有司言王薨在未受誓戒之前準禮天地社稷之祀不廢詔曰尚書省議

吏部尚書宋琪等奏以許王薨謝去郊禮裁十日至尊
成服百僚皆當入慰當愁慘之際行對越之儀臣等實
慮上帝之弗畝下民之斯感況郊天之禮歲有四焉載
於禮經非有差降請以來年正月上辛合祭天地從之
是年禮儀使言皇帝親郊故事在京并去園丘十里內
神祠及所過橋道並差官致祭而獨遺太社太稷文宣
武成王等廟今請自出官前一日遣官致祭從之至道
三年十一月

時真宗立

有司言冬至園丘孟夏雩祀夏至方

丘請奉太宗配上辛祈穀季秋明堂奉太祖配上辛祀
感生帝孟冬祭神州地祇奉宣祖配其親郊奉太祖太
宗並配詔可真宗景德三年鹵簿使王欽若言漢以五
帝為天神之佐今在第一龕天皇大帝在第二龕與六
甲岳瀆之類接席帝座天市之尊今與二十八宿積薪
騰蛇杵臼之類同在第三龕卑至尊臣甚未便也若以
北極帝座本非天帝蓋是天帝所居則北極在第二帝
座在第三亦高下未等又太微之次少左右執法子星

之次少孫星望令司天監參驗乃詔禮儀使太常禮院
司天監檢定之禮儀使趙安仁言案開寶通禮元氣廣
大則稱昊天據遠視之蒼然則稱蒼天人之所尊莫過
於帝託之於天故稱上帝天皇大帝即北辰耀魄寶也
自是星中之尊易曰日月麗乎天百穀草木麗乎土又
曰在天成象在地成形蓋明辰象非天草木非地是則
天以蒼昊為體不入星辰之例又郊祀錄壇第二等祀
天皇大帝北斗天一太一紫微五帝座差在行位前餘

內官諸位及五星十二辰河漢都四十九坐齊列俱上
十二陛之間唐建中間司天冬官正郭獻之奏天皇
極天一太乙準天寶敕並合升第一等貞元二年親
以太常議詔復從開元禮仍為定制郊祀錄又云壇
三等有中宮天市垣帝座等十七坐並在前開元禮
羅云帝有五座一在紫微宮一在天角一在太微宮
在心一在天市垣即帝坐者非直指天帝也又得判
天監史序狀天皇大帝一星在紫微勾陳中其神曰

魄寶即天皇是星五帝乃天帝也北極五星在紫微
內居中一星曰北辰第一主月為太子第二主日為
王第三為庶子第四為嫡子第五為天之樞蓋北辰
主非一又非帝坐之比太微垣十星有左右執法上
次將之名不可備陳故總名太微垣星經舊載孫星
壇圖止有子星辨其尊卑不可同位竊惟壇圖舊制
有明據天神定位難以躋升望依星經悉以舊禮為
準若復言舊史天文志並云北極北辰最尊者又勾

口中一星曰天皇大帝鄭元注周禮謂禮天者冬至祭
天皇於北極也後魏孝文禋六帝亦升天皇五帝上案
晉天文志帝座光而潤則天子吉威令行既名帝座則
為天子所占列於下位未見其可又安仁議以子孫二
星不可同位陛下方洽高禩之慶以廣維城之基苟因
前代闕文便為得禮實恐聖朝茂典尤未適中詔天皇
北極特升第一龕又設孫星于子位次帝座如故欽若
又言帝座止三紫微太微者已列第二等惟天市一座

在第三等案晉志大角及心中星但云天星座實與帝坐不類詔特升第二龕舊郊丘神位板皆有司題署命欽若改造之至是欽若奉板便殿壇上四位塗以朱漆金字餘皆黑漆第一等金字第二等黃字第三等以降朱字悉貯漆匣覆以黃縑帊帝降階觀之即付有司又以新定壇圖五帝五岳中鎮河漢合在第三等四年職方員外郎判太常禮院孫奭言準禮冬至祀圜丘有司攝事以天神六百九十位從祀今惟有五方上帝及五

人神十七位天皇大帝以下並不設位且太昊勾芒惟
孟夏雩祀季秋大享及之令乃祀于冬至恐未叶宜翰
林學士晁迥等言案開寶通禮圜丘有司攝事祀昊天
配帝五方帝日月五星中外官衆星總六百八十七位
雩祀大享昊天配帝五天帝五人帝五官總十七位方
丘祭皇地祇配帝神州岳鎮海瀆七十一位今司天監
所設圜丘雩祀明堂方丘並十七位即是方丘有岳瀆
從祀圜丘無星辰而及以人帝從祀望如輿請以通禮

神位為定其有增益者如後敕奏可乾興元年

時仁宗立詔

禮官定遷郊祀配帝乃請祈穀及祭神州地祇以太祖配雩祀及昊天上帝及皇地祇以太宗配感生帝以宣祖配明堂以真宗配親祀郊丘以太祖太宗配奏可是年九月太常丞同制禮院謝絳言伏覩本院與崇文院檢討官詳定以宣祖配感生帝竊尋宣祖非受命開統義或未安唐武德初圜丘方丘雩祀並以景帝配祈穀大享並以元帝配太宗初奉高祖配圜丘明堂北郊元

帝配感生帝高宗永徽二年祀高祖於圜丘祀太宗於明堂兼感生帝作主又以景帝元帝稱祖萬代不遷停配以符古義臣以為景帝厥初受封為唐始祖蓋與宣祖不侔宣祖於唐是為元帝之比唐有天下裁越三世而景元二祖已停配典有宋受命既自太祖于今四聖而宣祖侑祀未停恐非往典之意請依永徽故事停宣祖配仍用太宗故事宗祀真宗于明堂兼感生帝作主若據鄭氏說則曰五帝迭王王者因所感別祭尊于南

郊以祖配之今若不用武德永徽故事請以太祖兼配
正符鄭說詳鄭之意非受命始封之祖不得配故引周
后稷配靈威仰之義為證惟太祖始造基業躬受符命
配侑感帝處理甚明如恐祠日相妨當以太宗配祈穀
太祖配雩祀亦不失尊嚴之旨臣以為宣廟非惟不遷
而迭用配帝于古為疑禮祖有功宗有德但非受命之
祖親盡必毀況配享乎翰林承旨李維等議案禮祭法
正義曰郊為夏正建寅之月祭感生帝於南郊此則宗

祀之文也竊惟感帝比祈穀禮秩差輕宣祖比太祖功業有異今以太祖配祈穀宣祖配感帝稱情立文於禮斯協詔從所定仁宗天聖二年詔加真宗謚上謂輔臣曰郊祀重事朕欲就禁中習儀其令禮官草具以聞先郊三日奉謚冊寶於太廟次日薦享玉清昭應景靈宮宿太廟既享赴青城至大次就更衣壇改服充冕行事

按故事三歲一親郊不郊輒代以他禮慶賞與郊同而五使皆輔臣不以官之高下是年翰林學士領儀仗御史中丞領鹵簿姑用官次五年十一月郊以翰林學士宋綬攝太僕

陪玉輅上問儀物典故因使綬集羣官撰集天聖鹵簿圖記之上禮儀使劉筠請郊後詣玉清昭應景靈宮詔郊前享景靈近臣奏告玉清昭應擇日恭謝大禮使王曾請節廟樂帝曰三年一享不敢憚勞也三獻終增禮生七人各引本寶太祝升殿徹豆三日又齋長春殿謝

玉清昭應宮

按沈括筆談上親郊廟冊文皆曰恭薦歲事先景靈宮謂之朝獻次太廟謂之朝享

未乃事于南郊予集郊式時曾預討論常疑其次序若先為尊則郊不應在廟後若後為尊則景靈宮不應在太廟之先求其所從來蓋有所因案唐故事凡有事于上帝則百神皆預遣使祭告惟太清宮太廟則皇帝親

行其冊祝皆曰取其月某日有事于某所不敢不告宮廟謂之奏告餘皆謂之祭告惟有事于南郊方為正祠至天寶九載乃下詔曰告者上告下之詞今後太清宮宜稱朝獻太廟稱朝饗自此遂失奏告之名冊文皆為正祠

六年始築外壇周以短垣置靈星門親郊則立表於

青城表三壇宋初南郊青城久占民土妨其耕稼又其中煖殿止是構木結綵至尊所御非所以

備不虞天聖中魏餘慶上言乞優價給值收買民田除放租稅為瓦殿七間依奏

景祐二年郊

詔以太祖太宗真宗三廟萬世不遷南郊以太祖定配二宗迭配親祀皆侑常祀圜丘皇地祇配以太祖祈穀雩祀神州配以太宗感生帝明堂以宣祖真宗配如舊

是年禮院言周官朝日祀五帝則張大次小次說者以
為祀昊天上帝亦然大次在壇壝外猶更衣幄小次在
壇側今所未行請設小次于皇帝版位少東每獻畢降
壇若獻就小次俟終獻徹豆復就版位慶厯元年判太
常寺呂公綽言厯代郊祀配位無側向真宗示輔臣封
禪圖曰嘗見郊祀昊天上帝不以正坐蓋皇地祇次之
今修登封上帝宜當子位太祖太宗配位宜比郊祀而
斜置之其後有司不諭先帝以告成報功酌宜從變之

意每郊儀範既引祥符側置之文又載西向北上之禮
臨時擇一未嘗考定乃詔南郊祖宗之配並以東方西
向為定公綽又以郊廟祭器未完制度多違禮請悉更
造又以歲大中小祠凡六十一禘祫二裸獻興俯玉帛
奠彝菁茆醢醢鍾石歌奏集為郊祀總儀上之十月公
綽言案開元禮崇祀錄昊天上帝皇地祇六罇太罇為
上實以汎齊著罇次之實以醴齊犧罇次之實以醢齊
壺罇次之實以沈齊山罍為下實以三酒配帝著罇為

上實以汎齊犧罇次之實以醴齊象罇次之實以盎齊
山罇為下實以清酒皆加明水明酒實於上罇五方北
極天皇大帝神州地祇大明夜明太罇實以汎齊五星
十二辰河漢象罇實以醴齊中官壺罇五方山林川澤
蜃罇並實以汎齊外官概罇五方邱陵墳衍原隰散罇
並實以清酒衆星散罇實以旨酒皆用明酒各實於上
罇宗廟每室設筭彝黃彝著罇之上罇皆實以明水黃
彝實鬱鬯著罇實以醴齊又司烜氏以鑑取明水於月

鄭康成云鑑類取水者世謂之方諸取月之水欲得陰陽之潔氣也臣謹以古制考五齊三酒即非難得之物將來郊廟祭享宜詔酒官依法制齊酒分實罇壘仍命有司取明水對明酒實於上罇或陰鑑方諸之類未能猝辨請如唐制以井水代之下博士議而奏曰比郊廟祠祀壇殿上下所設罇壘惟酌獻飲福二罇實以祠祭酒餘皆徒設器而不實以五齊三酒明水明酒誠於禮為缺然五齊三酒鄭康成注周禮惟引漢時酒名擬之

而無制造之法今欲仍舊用祠祭酒一等其壇殿上下
罇罍有司不得更設空器其明水明酒並以井水代之
其正配逐位酌獻飲福舊用酒二升者各增二升從祀
神位並用舊升數實諸罍罇配以明水明酒從之三年
禮官余靖言祈穀祀感生帝同日其禮當異不可皆用
四圭有邸色尚赤乃定祈穀明堂蒼璧尺二寸感生帝
四圭有邸朝日日圭夕月月圭皆五寸從祀神州無玉
報社稷兩圭有邸祈不用玉皇祐五年正月會靈宮灾

是歲冬至郊以二帝並配明年大旱胡宿言五行火禮也去歲火而今又旱其應在禮此殆郊丘並配之失也即建言並配非古宜用迭配如初嘉祐六年禮院言對越天地神無二主唐垂拱中始用三祖同配後遂罷之皇祐初三聖並侑後復迭配未幾復並侑以為定制雖出孝思然頗違經典下兩制議翰林學士王珪等曰推尊以享帝義之至也然尊尊不可以瀆故郊無二主今三后並侑欲以致孝也而適所以瀆乎享帝非所以寧

神也請如禮官議七年正月詔南郊以太祖定配英宗
治平二年正月上辛祈穀禮院言準閤門儀制祀天地
致齊皇帝不遊幸作樂緣聖壽節在致齊內若用慶歷
元年嘉祐七年元會例更用中辛當在十六日又十四
日例詣慈孝等寺集禧觀行禮觀燈作樂若遣官攝事
無不聽樂元日朝賀聖壽節多與上辛相近常改用中
辛非尊事天神之意嘉會合禮又不宜撤樂因詔遇元
正御殿聖節上壽雖在上辛祠官致齊日亦用樂大宴

移日或就賜

按祈穀之儀慶厯用犢一羊二豕二共日祀感生帝羊二豕二正配簋簋俎各增為

二前一日太祝讀祝祀祭王餘如冬至攝事

是年十一月合祭天地於南郊

以太祖配故事皇帝將就版位祠官回班向皇帝須就位乃復侍臣跪讀冊至御名則興至是詔以尊奉祠勿

回班及興時呂公著攝太僕卿參乘為上言仁宗親祠

撤黃道以登虛小次不入上皆循用之

按治平將郊而雨或議改祫享

英宗訪諸宗晟對曰陛下初郊見上帝盛禮也豈敢神改卜至誠感神在陛下精意而已帝嘉納及郊雨霽神

宗熙寧元年詔令兩制以上至臺諫官與太常禮院同

詳定今年冬至當與未當親行郊禮翰林學士承旨王珪上議曰按王制喪三年不祭惟祭天地社稷為越紼而行事傳謂不敢以卑廢尊是則居喪而可得見天地也春秋僖公三十三年傳凡君薨卒哭而祔祔而作主特祀於主烝嘗禘於廟杜預以謂新主既特祀於寢則宗廟四時常祀自當如舊是則居喪而可得見宗廟也周公稱商高宗諒闇三年不言子張疑之以問仲尼仲尼答曰何必高宗古之人皆然高宗不云服喪三年而

云諒闇三年者杜預又謂古者天子諸侯三年之喪既葬而服除諒闇以居心喪不與士庶同禮也然則服除之後郊廟之祭可勿舉乎南齊以前人君嗣位或仍前郊之年或別自為郊下有司議而王儉乃援晉宋以來皆改元即郊而不用前郊之年自漢文以來皆即位而謁廟至唐德宗以後亦踰年而行郊況本朝景德二年真宗居明德皇太后之喪既易月而服除明年遂享太廟而合祀天地於圜丘伏請皇帝將來冬至躬行郊廟

之禮其服冕車輅儀物音樂緣神事者皆不可廢詔恭
依典禮其車服儀物除神事外令太常禮院詳定以聞
禮院看詳欲乞除郊廟及景靈宮禮神用樂外所有鹵
簿鼓吹及樓前宮架諸軍音樂皆備而不作其逐處警
場止鳴金鈺鼓角從之十一月帝齊於郊宮故事車駕
至青城少休即詔從臣幸後苑閱水嬉復登端門觀太
常警嚴至是帝精意奉祀悉罷遊觀遂減徹門闕亭苑
省草木禽獸千七百餘事

按沈括傳括為館閣校勘刪定三司條例故事三歲郊丘

之制有司按籍而行藏其副吏沿以干利壇下張幔距城數里為園圓植采木刻鳥獸綿絡其間將事之夕法駕臨觀御端門陳仗衛以閤嚴警遊幸登賞類非齊祠所宜乘輿一器而百工侍役者六七十輩括考禮沿革為書曰南郊式即照令檢點事務至十年又罷去寢殿執新式從事所省萬計神宗稱善

後至寶華門磚砌道著為定制四年參知政事王珪言南郊乘輿所過必勘箭然後出入此師行之法不可行施於郊祀從之嗣以詳定所請又罷太廟及宣德朱雀南薰諸門勘契又皇帝自大次至版位內臣二人執翟羽前導號曰拂翟失禮尤甚請除之六年春正月後僖

祖為太廟始祖以配感生帝

宋充國知太常禮院英宗
附廟議者欲祧僖祖藏夾

室充國請配感生
帝為宋始祖從之

七年詔中書門下參定青城殿宇門

名先是每郊撰進至是始定名前門曰泰禋東偏門曰

承和西偏門曰迎禧正東門曰祥曦正西門曰景曜後

三門曰拱極內東側門曰夤明西側門曰肅成大殿門

曰端誠大殿曰端誠殿前東西門曰左右嘉德便殿曰

熙成後園門曰寶華著為定式元豐元年正月詔詳定

郊廟禮儀二月詔內壝之外衆星位周環每二步植一

棧繚以青繩以為限域既而詳定奉祀禮文所言周官
外祀皆有兆域蓋設一位而已後世稍增其制東漢壇
位天神從祀者至一千五百一十四神故外設重營以
為等限日月在中營內南道而北斗在北道之西至於
五星中宮星之屬則其位皆中營二十八宿外宮星之
屬則其位皆外營然則為重營者所以等神位也唐因
齊隋之制設為三壇天神列位不出內壇而御位特設
壇下之東南若夫公卿分獻文武從祀與夫樂架饌幔

則皆在中壝之內而大次之設乃在外壝然則為三壝者所以序祀事也蓋古者神位寡祀者簡故兆守有域以為遮列屬禁而已後世神位既衆祀者亦繁故為三壝以嚴內外之限也伏請除去青繩儀注為三壝從之九月詔祀天地及配帝並用特牲四年四月詔罷南郊合祭天地九月詳定郊廟奉祀禮文知禮院陸佃上議曰冕服有六而周官弁師云掌王之五冕則大裘與袞同冕矣故禮記曰郊之日王被袞以象天戴冕璪十有

二旒則天數也又曰服之襲也充美也禮不盛服不充故大裘不裼此明王服大裘以袞衣襲之也先儒或謂周祀天地皆服大裘而大裘之冕無旒非是矣蓋古者裘不徒服則其上必皆有衣故曰緇衣羔裘黃衣狐裘素衣麀裘如郊祀徒服大裘則是表裘以見天地表裘不入公門而乃欲以見天地可乎且先王之服冬裘夏葛以適寒暑蓋未有能易之者也郊祀天地有裘無袞則夏祀赤帝與夏至日郊祭地示亦將被裘乎然則王

者冬祀昊天上帝中裘而表衮明矣至於夏祀天神地
示則去裘服衮以順時序周官曰凡四時之祭祀以宜
服之明夏必不衣裘也或曰王被衮以象天此魯禮臣
以為記曰周之始郊日以至王被衮以象天則豈得以
為魯哉或曰祭天尚質故特服大裘王被衮則非所以
尚質臣以為謂之尚質者明有所尚而已不皆用質也
如蒼璧以禮天黃琮以禮地旂有十二旒龍章設日月
此豈用質也哉故曰祭天掃地而祭焉于其質而已矣

牲用騂尚赤也用犢貴誠也王被袞以象天戴冕璪十有二旒則天數也旂十有二旒龍章而設日月以象天也夫理豈一端而已亦各有所當也今欲冬至禋祀昊天上帝服裘被袞其餘祀天及祠地示並請服袞去裘各以其宜服之

按宋故事南郊車駕服通天冠絳紗袍赴青城祀日服靴袍至大次臨祭始更服

冕旒元豐中詔定奉祀儀有司建言周官祀昊天上帝則服大裘而冕禮記郊祭之日王被袞以象天王肅授家語臨燔祭服袞冕蓋先袞而後裘因請更製大裘以袞用于祀日大裘用于臨祭議者頗疑家語不可據黜之則周官禮記所載相牴牾時陸右丞佃知禮院請服大裘被以袞遂為定制大裘黑羔皮為之而緣以黑繒

乃唐制也十月禮官言古之王者行則嚴輿衛處則厚宮闕

所以示盛重備非常也故周禮王會同則為壇宮食息則設帷宮漢祀甘泉則有行宮至于江左亦有瓦殿本朝沿唐舊制親祀南郊行宮獨設青城幔殿宿者有風雨之憂而又無望祭之位且青城之費歲以萬數臣等欲乞仿青城之制創立齋宮一勞而省重費或遇風雨可以行望祭之禮詔送太常禮院候修尚書省了日取

旨按是時以修尚書省未畢未及建立其後哲宗既建齋宮謂臣下曰三歲郊青城之費縑帛三十餘萬工

又倍之易以屋室一勞永逸所省多矣徽宗修建南北郊齋宿宮殿南郊曰齋宮北郊曰帷宮有司請曰事體如一而名稱不同六年十月太常丞呂升卿言曰近以宜並稱齋宮從之郊祀致齋之內不當詣景靈宮及太廟朝享具奏伏聞止罷景靈宮諸處朝謁而天興殿及太廟朝享如故臣伏以郊丘之祀國之大事有天下者莫重乎享帝臣歷考載籍不聞為祀天致齋乃於其間先享宗廟者也獨有唐天寶之後用田同秀之言立老子廟號曰太清宮是歲將行郊祀以二月辛卯先躬享焉祠用青詞饋用

素饌甲午又親享於太廟丙申乃有事於南郊終唐之世奉而行之莫知其非雖論者以為失禮然考其初致齋之日乃辛卯享於太清宮至丙申殆且五日乃得雍容休息以見上帝今陛下致齋三日其一日於大慶殿而用其二日三行禮焉古之大祀未有不齋三日而敢與神明交者今陛下行禮於天興殿纔齋一日爾其之太廟與郊宮也前祀之一日皆嘗用之矣謂之一日之齋尚非全也夫用一日之齋以修大祀未見其可況非

全日乎於以奉宗廟則齋之日不足於以事上帝則齋之儀不專陛下恭嚴寅畏三歲一修大禮將以受無疆之休其為致齋者乃如此殆未稱昭事之意也今太廟歲有五大享皆如古矣又於郊祀復修徧享之禮此為何名乎論者曰宗廟之禮未嘗親行故因郊祀恭展薦獻臣曰不然人主於宗廟之享自當歲時躬修其事其不親享者蓋後世之失禮也今曰必因郊禮以行之則義尤不可矣夫因者不致專之謂也七世聖神儼在清

廟朝廷不特講歲時親行之禮而因以享之此非臣之所聞也臣愚以謂今郊禮宜如故事致齋於大慶殿二日徑赴行宮其宮廟親享並乞寢罷或車駕必欲至太廟即乞正告太祖一室以侑神作主之意撤去樂舞以盡尊天致齋之義其天興朝享乞更不行請如新降朝旨俟禮畢而恭謝伏請繼今日以往別修太廟躬祀之制歲五大享乘輿親臨其一焉仍望自今歲臘享為首於明年行春祠之禮禴與烝嘗自次年以叙終之每遇

行廟享之時則罷景靈宮一孟朝謁之禮廟享致齋乞於內殿出入如常儀如此則祀天享親兩得其當矣

宋按

初郊祀先三日宿齋于崇元殿翌日赴太廟五鼓朝享
聖二年從禮官言玉清昭應宮景靈宮太廟同日行禮
五年禮儀使劉筠以謂一日之內數次展禮不勝勞役
請南郊禮畢別定日詣各宮行恭謝禮景佑五年侍講
賈昌朝則請自廟告享侑之外景靈諸宮朝謁本唐世
太清宮之陋則一切改革郊畢詣景靈宮謝成如下元
朝謁儀俱未見從至是升郊復為此論而岳珂謂升卿
論古之大祀未有不齊三日之言甚當至廟享歲五而
臨其一乃常禮非大禮不應大禮祀天地而常禮祀祖
宗不如仁宗嘉祐
之行祫以代郊也
光祿卿呂嘉問言光祿掌酒醴祠祭

罇罍相承用法酒庫三色法酒以代周禮所謂五齋三酒恐不足以上稱陛下崇祀之意近於法酒庫內酒庫以醞酒法式考之禮經五齋三酒今醞酒共齋冬以二十五日春秋十五日夏十日撥醅瓮而浮蟻湧於面今謂之撥醅豈所謂泛齋耶接取撥醅其下齋汁與滓相將今謂之醅芽豈其所謂醴齋耶既取醅芽置筭其中其齊葱白色入焉今謂之帶醅酒豈其所謂盎齋耶冬一月春秋二十日夏十日醅色變而微赤豈其所謂醞

齊耶冬三十五日春秋二十五日夏十五日外撥開醕而觀之上清下沈豈其所謂沈齊耶今朝廷因事而醕造者蓋事酒也今踰歲成熟烝醕者蓋昔酒也同天節上壽照所供臘醕酒者皆冬釀夏成蓋清酒也此皆酒非所謂齊也是知齊者因自然之齊故稱名酒者成就而人功為多故享神以齊養人以酒竊恐典禮如此又司尊彝曰醕齊縮酌盎齊沬酌依經傳則泛齊醴齊以事酒和之用茅縮酌其盎齊醕齊沈齊則以清酒和之

不用茅縮酌如此則所用五齊不多而供具亦甚易蓋
醞酒料次不一此五種者成而皆自然伏望聖斷以今
之所造酒與典禮相詳審或不至差謬乞自今年郊廟
供奉從之是年郊祀昊天上帝以太祖配始罷合祭不
設皇地祇位先是樞密院陳襄等詳定郊廟禮文上言
曰伏承聖意以天地合祭於圜丘為非典禮之正詔令
更定臣謹案周禮大司樂冬至至圜丘六變以祀天神
夏至至方丘八變以祭地示夫祀必以冬至者以其

陽氣來復於上天之始也祭必以夏日至者以其陰氣
潛萌於下地之始也又大宗伯以禋祀實柴禋燎祀其
在天者而以蒼璧禮之以血祭沈薶鬴辜祭其在地者
而以黃琮禮之皆所以順其陰陽辨其時位倣其形色
此二禮之不得不異也漢元始中姦臣妄議不原經意
附會周官大合樂之說謂當合祭平帝從而用之故天
地共牘禮之失自此始矣由漢厯唐千有餘年之間而
以五月親祠北郊者惟四帝而已如魏孝文之太和周

武帝之建德隋高祖之開皇唐睿宗之先天皆希濶一時之舉也然而隨得隨失卒無所定垂之本朝未遑釐正恭惟陛下恢五聖之述作舉百王之廢墜臣以為已罷合祭則南北二郊自當別祀伏望陛下每遇親祠之歲先以夏日至祭地示於方丘然後以冬至祀昊天於圜丘此所謂大者正也然議者或謂先王之禮其廢已久不可復行古者齋居近

古者致齋路寢

儀衛省用度約賜

予寡故雖一歲徧祀而國不費人不勞今也齋居遠儀

衛繁用度廣賜予多故雖三歲一郊而猶或憚之況一歲而二郊乎必不獲已則三年而迭祭或如後漢以正月上丁祠南郊禮畢次北郊或如南齊以上辛祀昊天而次辛墜后土不亦可乎臣竊謂不然記曰祭不欲疎疎則怠夫三年迭祭則是昊天大神六年始一親祀無已怠乎記曰大事必順天時二至之郊周公之制也捨是而從後王之失可謂禮與彼議者徒知苟簡之便而不睹尊奉之嚴也伏惟陛下鑑先王已行之明效舉曠

世不講之大儀約諸司儀衛而幸祠宮均南郊之賜予以給衛士蠲青城不急之務損大農無名之費使臣得以講求故事參究禮經取太常儀注之文以正其訛謬稽大駕鹵簿之式以裁其繁冗惟以至恭之意對越大祇以迎至和格純嘏庶成一代之典以示萬世又曰臣等恭惟本朝冬至祀天南郊夏至祀地北郊每歲行之皆合於古猶以有司攝事為未足以盡志於是三年一郊而親行之夫三年一郊而親行蓋所謂因時制宜者

也施之於今誠不可易惟合祭之禮在所當正禮曰魯人將有事於上帝必先有事於泮宮所以然者告祖為配之謂也又曰晉人將有事於河必先有事於惡池齊人將有事於泰山必先有事於配林所以然者先卑後尊之謂也臣等推古以知今推諸侯以知天子欲乞每遇親郊七日戒之後三日宿之時宿太廟以告宿北郊以祭宿南郊以祀所以先太廟者告祖為配也所以先北郊者先卑後尊也雖然自北郊至南郊相去為遠則

中道不可以無舍請為帷宮止而後進如允所奏乞下有司施行禮後漢因祠南郊即祠北郊明堂世祖廟及太廟謂之五供唐因祀南郊即祀太清宮及太廟謂之三大禮本朝三歲郊祀必先景靈宮及太廟蓋因前制然每歲夏日於北郊自有常祀常歲有司攝事於南郊亦不合祭天地其合祭之意止緣親祀欲徧及爾若以親祀欲徧及之則因南郊同時告祭北郊自因舊儀亦不肯違禮意近於可行於是詔禮官講求翰林學士張

璪以為冬至祀天夏至祀地不易之理今祀地欲改用他月無所據依必不得已宜於郊祀之歲夏至之日盛禮容興樂舞一如南郊之儀命宰攝事而王存曾肇言今北郊常差中書門下官乃冢宰之任樂舞之類亦開元開寶舊禮所載特近世廢缺二者皆有司攝事常行之典未足以代親祀之重恐於父天母地之文有所未順判太常寺陳薦言議者以天地合祭始於王莽故欲罷之臣按周頌昊天有成命郊祀天地也漢郊祀歌曰

惟泰元尊媪神蕃釐泰元天也媪神地也又曰涓選休
成天地並況此天地同祀可以概見恐非王莽始也議
者又謂方丘之祀盛夏不躬行宜選冢宰攝事亦恐未
必合古然終不若天地合祭也乞且循舊制知禮院曾
肇言令冬至若罷合祭而夏至又使有司行事則於父
天母地之義若有隆殺願陛下遇親祀南郊之歲以夏
至日躬款北郊以合先王之制遂詔罷南郊合祭親祀
北郊並依南郊儀如不親祀上公攝事

按元豐初議郊
祀陳襄以周禮

大司樂國鐘函鐘異宮六變八變異數圜丘方丘異地
冬至夏至異時為分祭之證陳薦據詩序周頌昊天有
成命郊祀天地也漢郊祀歌惟泰元尊媼神蕃釐涓選
休成天地並況為古人合祀之證而陳襄謂魏太和周
建德隋開皇唐先天四事為五月北郊親祀之徵而惜
其僅見考開元禮則玄宗定制冬至北郊夏至南郊文
甚明晰唐史不書五月親祀之文恐史書偶缺惜是年
開元初復古制而天寶旋改合祭南郊失初意耳
詳定禮文所議禮記曰郊特牲而社稷大牢又曰祭天
地之牛角繭栗配位亦特牲書曰用牲於郊牛二是也
宋朝儀注昊天上帝皇地祇太祖皇帝之位各設三牲
俎非尚質貴誠之義請親祀圜丘方澤正配皆用犢不

設羊豕俎及鼎七有司攝事亦如之郊之祭也器用陶
匏以象天地之性擇因白木以素為質今郊祀簠簋罇
豆皆非陶又用龍杓未合禮意請圜丘方澤正配位所
設簠簋罇豆改用陶器仍以擇為杓祀天之有禋柴禋
祭地之有瘞血享廟之大裸鬯皆歆神於始非謂於祭
之末燔燒胙餘也後世燔瘞牲帛於祭末而不知致神
於其始則是備於後而缺於先也請南北郊先行升煙
瘞血之禮至薦奠禮畢即如舊儀於壇坎燔瘞牲幣北

郊祭皇地祇及神州地祇當為坎瘞埋今乃建壇燔燎
祝版考先儒所說地祇即無禋燎之文請祭皇地祇祝
版牲帛並瘞於塹不設燎壇熙寧祀儀惟昊天上帝皇
地祇高禩燎瘞犢首自感生帝神州地祇而下皆不燔
瘞牲體殊不應禮又按周禮羊人祭祀割羊牲登其首
禮記曰升首報陽也首為陽則脅與髀為陰可知矣報
陽宜以陽報陰宜以陰各從其類也請自今昊天上帝
感生帝皆燔牲首以報陽皇地祇神州地祇太社太稷

凡地祇之祭皆瘞牲之左髀以報陰凡薦享太廟皆升首於室又言臣等見親祀南郊儀注並云祀前三日儀鑾司鋪御座黃道褥謹按唐故事郊壇宮廟內墻及殿庭天子步武所及皆設黃道褥壇上立位又施赤黃褥將有事命撤之武德貞觀之制用紫至德以來用黃開元禮開寶通禮郊廟並不設黃道褥太常因革禮曰舊制皇帝升壇以褥藉地象天黃道太祖命撤之設拜於地和峴請宣付史館天聖二年儀注又增設郊壇墻門


道北御座黃道褥康定初有司建議謂配帝褥用緋以示損於天地而自小次之前至壇上諸位其道褥以黃蓋非典禮是歲有詔自小次至壇下撤黃道臣等伏詳禮記郊祭之日汜掃反道鄭氏注謂剡令新土在上也其藉神席天地尚質則用蒲越藁鞞宗廟尚文則設莞筵紛純加繅席畫純加次席黼純而已天子受胙乃有席周禮司几筵所謂胙席是也今郊壇黃道褥欲更不設又言古者祭祀用牲有豚解有體解薦腥則解為十

一體今親祀南郊正配位之俎不殊左右胖不分貴賤
魚豚解體解之別請郊廟薦腥解其牲兩體兩肩兩脇
並脊為七體左右胖俱用其載於俎以兩體左端兩肩
兩脇次之脊居中皆進未至薦熟沈肉於湯止用右胖
脾不升俎前後肱骨離為三曰肩臂臑後髀股骨去體
離為二曰肱肱前脊謂之正脊次直謂之臠脊濶於臠
脊謂之橫脊皆二骨脅骨最後二為短脅旁中二為正
脅最前二為代脅若升俎則肩臂臑在上端膊肱在下

端脊脅在中央其俎之序則肩臂臠正脊胾脊代脅短
脅膊胙凡十一體而骨體升俎進神坐前如少牢禮皆
進下其牲體各預以半為腥俎半為熟俎腸胃膚俎亦
然又請親祀飲福酒訖倣儀禮佐食搏黍之說命大官
令取黍於簋搏以授祝祝受以豆以嘏乎皇帝而無嘏
辭又本朝親祀南郊習儀於壇所明堂習儀於大慶殿
皆近於瀆伏請南郊習儀於青城明堂習儀於尚書省
以遠神為恭又賜胙三師六公侍中中書令門下中書

侍郎尚書左右丞知樞密同知院事禮儀儀仗鹵簿頡
颯使牛羊豕肩臂臠各五太子三師三少特進觀文大
學士學士御史大夫六尚書金紫銀青光祿大夫節度
使資政殿大學士觀文翰林資政端明龍圖天章寶文
承旨侍講侍讀學士左右散騎常侍尚書列曹侍郎龍
圖天章寶文直學士光祿正議通議大夫御史中丞太
子賓客詹事給事中中書舍人節度觀察留後左右諫
議龍圖天章寶文待制大中中大夫秘書殿中丞太常

宗正卿牛豕肩臂臠各三入內侍省押班副都知光祿卿監禮官博士牛羊脊脅各三太祝奉禮司尊彝郊社太廟宮闈令監牲牢供應祠事內官羊髀膊胙三應執事職掌樂工門幹宰手馭馬御車人並均給脾肫鼈及腸胃膚之類



欽定續通典卷四十五

欽定四庫全書

史部

欽定續通典卷四十六

詳校官監察御史

臣曹錫寶

洗馬

臣

王坦修覆勘

校對官修撰

臣

汪如洋

謄錄舉人

臣

沈長春

欽定四庫全書

欽定續通典卷四十六

禮

吉

郊天 宋 遼 金 元

哲宗元祐元年禮部言元豐所造大裘雖用黑羊皮乃作短袍樣襲於衮衣之下仍與衮服同冕未合典禮下禮部太常寺共議上官均吳安詩常安民劉唐老龔原姚勔請依元豐新禮丁薦請循祖宗故事王愈請倣唐

制朱光庭周秩請以元衣襲裘獨禮部員外郎何洵直
在元豐中當預詳定以陸佃所議有可疑者八按周禮
節服氏掌祭祀朝覲衮冕六人維王之太常郊祀裘冕
二人既云衮冕又云裘冕是衮與裘各有冕乃云裘與
衮同冕當以裘襲之裘既無冕又襲於衮中裘而表衮
何以示裘冕之別哉古人雖質不應以裘為夏服蓋冬
用大裘當暑則以同色繒為之記曰郊祭之日王被裘
以象天若謂裘上被衮以被為襲則家語亦有被裘象

天之文諸儒或言臨燔柴脫冕著大裘或云脫裘服衮
蓋裘衮無同冕兼服之理今乃以二服合為一可乎且
大裘天子吉服之最上若大圭大路之比是裘之在裘
者記曰大裘不裼說者曰無別衣以裼之蓋他服之裘
褻故表裘不入公門事天以報本復始故露質見素不
為表褻而冕亦無旒何必假他衣以藩飾之乎凡裘上
有衣謂之裼裼上有衣謂之襲襲者裘上重二衣也大
裘本不裼鄭志乃云裘上有元衣與裘同色蓋趙商之

徒附會為說不與經合襲之為義本出於重沓非一衣也古者齋祭衣冠齋服降祭服一等祀昊天上帝五帝以裘冕祭則衮冕齋故鄭氏云王齋服衮冕是衮冕者祀天之齋服也唐開元及宋開寶禮始以衮冕為齋服裘冕為祭服兼與張融臨燔柴脫衮服裘之義合請從唐制兼改製大裘以黑繒為之但復破其說曰夫大裘而冕謂之裘冕非大裘而冕謂之衮冕則衮冕必服衮衮冕不必服裘今特言裘冕者主冬至言之周禮司裘

掌為大裘以供王祀天之服則祀地不服大裘以夏日
至不可服裘故也今謂大裘當暑以同色繒為之尤不
經見兼裼襲一衣而已初無重沓之義被裘而服之則
曰襲袒而露裘之美則曰裼所謂大裘不裼則非袞而
何玉藻曰禮不盛服不充故大裘不裼則明不裼而襲
也充美也鄭氏謂大裘之上有元衣雖不知覆裘以袞然
尚知大裘不可徒服必有元衣以覆之玉藻有尸襲之
義周禮裘冕注云裘冕者從尸服也夫尸服大裘而襲

則王服大裘而襲可知且裘不可以徒服故被以袞豈
借袞以為飾哉今謂祭天用袞冕為齋服裘冕為祭服
此乃襲先儒之謬誤後漢顯宗初服日月星辰十二章
以祀天地自魏以來皆用袞服則漢魏祭天當服袞矣
雖無大裘未能盡合於禮固未嘗有裘裘而祭者也且
裘內服也與袍同袍襲矣而欲禪以祭天以明示質是
欲袂衣以見上帝也洵直復欲為大裘之裳纁色而無
章飾夫裘安得有裳哉請從先帝所志其後詔如洵直

議去黑羊皮而以黑繒制焉五年五月尚書右丞許將
言王者父天母地三歲冬至天子親祀徧享宗廟祀天
圜丘而夏至方澤之祭乃止遣上公則皇地祇遂永不
在親祀之典此大闕禮望博詔儒臣講求典故明正
祀典為萬世法詔禮部太常寺及兩省侍從官集議以
聞於是翰林學士兼侍讀顧臨等八人請合祭天地如
祖宗故事俟將來親行北郊之禮則合祭可罷臨與范
祖禹又言天地特祭經有明文然自漢以來十有餘年

不能行之宋興一祖六宗皆合祭天地其不合祭者唯
元豐六年一郊耳去所易而就所難虛地祇之大祭失
今不定後必悔之吏部侍郎范純禮彭汝礪戶部侍郎
范子奇禮部侍郎曾肇刑部侍郎王覲豐稷權知開封
府韓宗道樞密都承旨劉安世中書舍人孔武仲陳軒
太常少卿盛陶宇文昌齡侍御史王畏監察御史董敦
逸黃慶基左司諫虞策禮部郎中孫路員外郎歐陽棐
太常丞韓治博士朱彥宋景年閻本等二十二人皆主

北郊之議而武仲又請以孟冬純陰之月詣北郊親祠
如神州地祇之祭杜純議請南郊之歲設望祠位於苑
中置燿火夏至命上公攝事每獻舉燿火詔依王欽臣
議宜如祖宗故事並祭天地一次汝礪肇復上疏論合
祭非是

丈多
不載

九月三省上顧臨等議太皇太后曰宜依

仁宗皇帝故事呂大防言國朝以來大率三歲一親郊
並祭天地宗廟因行赦宥頒賞軍士遂以為常今諸儒
獻議欲南郊不設皇地祇位唯祭昊天上帝於祖宗之

制未見其可蘇轍曰自熙寧十年神宗皇帝親祀南郊
合祭天地今十五年矣皇帝即位又已八年未嘗親見
地祇乃朝廷缺典不可不正范百祿言圜丘無祭地之
禮記曰有其廢之莫可舉也先帝所廢稽古據經未可
輕改大防又言先帝因禮文所建議遂令諸儒議定北
郊祭地之禮然未經親行今皇帝臨御之始當親見天
地而地祇之位獨不設恐亦未安況本朝祖宗以恩霈
四方慶賚將士非三歲一行則國力有限今日宜為國

事勉行權制俟異時議定北郊制度及太廟享禮行之
未晚太皇太后以呂大防之言為是而蘇頌鄭雍皆以
古者人君嗣位之初必郊見天地今皇帝初郊而不祀
地恐未合古乃下詔曰國家郊廟特祀祖宗以來命官
攝事則三歲一親郊先享清廟冬至合祭天地於圜丘
元豐間有司援周制以合祭不應古義先帝乃詔定親
祠北郊之儀未之及行是歲郊祀不設皇地祇之位而
宗廟之享率如權制朕方修郊見天地之始其冬至日

南郊宜依熙寧十年故事設皇地祇位以嚴並況之報
厥後躬行方澤之祀則修元豐六年五月之制俟郊禮
畢集官詳議典禮以聞八年詔議郊祀禮部尚書蘇軾
言議者欲變祖宗之舊圜丘祀天而不祀地不過以謂
冬至祀天夏至祀地以類求神也是大不然冬至南郊
既祀上帝則天地百神莫不從祀古者秋分夕月西郊
亦可謂陰時陰位矣至於從祀上帝則冬至而祀月於
南郊議者不以為疑今皇地祇亦從上帝而合祭於圜

丘獨以為不可則過矣詩之序曰昊天有成命郊祀天
地也此乃合祭天地經之明文而說者乃以此之豐年
秋冬報也曰秋冬各報而皆歌豐年則天地各祭而皆
歌昊天有成命也是大不然豐年之詩曰豐年多黍多
稌亦有高廩萬億及秭為酒為醴烝畀祖妣以洽百禮
降福孔皆歌於秋可也歌於冬亦可也昊天成命之詩
終篇言天而不及地今祭地於北郊獨歌天而不歌地
豈有此理哉議者乃謂合祭天地始於王莽臣竊謂禮

當論其是非不當以人廢光武皇帝親誅莽者也嘗采
用元始合祭故事謹按後漢書郊祀志建武二年初制
郊兆於洛陽為圜丘八陛中又為重壇天地位其上皆
南向西上此則漢世合祭天地之明驗也議者欲冬至
祀天夏至祀地蓋以為用周禮也臣請言周禮與今禮
之別古者一歲祀天者三明堂享帝者一四時迎氣者
五祭地者二享宗廟者四此十五者皆天子親祭也太
祖建隆初郊先享宗廟乃祀天地自真宗以來三歲一

郊必先有事於景靈宮享太廟乃祀天地此國朝之禮也周禮親祭如彼其多今禮親祭如此其少蓋古者天子出入儀物不繁用財有節天子所治不過王畿千里唯以齋祭禮樂為政事後世海內為一四方萬里機務之繁億倍於古日力有不能給自秦漢以來天子儀物日以滋多有加無損以至於今非如古之簡易今之所行皆非周禮獨於地祇則曰周禮不當祭於圜丘此何義也哉議者又曰夏至不能行禮則遣官攝祭周禮大

宗伯若王不與祭祀則攝位鄭注曰王有故則代行賈公彥曰王有故謂疾及哀慘皆是後世人主不能歲歲親祭故命有司行事若親郊之歲遣官攝事是無故用有故之禮也議者曰省去繁文末節一歲可以再郊夫古者以親郊為常禮故無繁文今為大禮則繁文有不能省也王者父事天母事地不可偏異事天則備事地則簡是於父母有隆殺也三年一郊傾竭郊藏猶恐不足郊賚之外豈有復加分而與之人情豈不失望議者

曰三年一祀天又三年一祀地夫三年已為疎闊若獨祭地而不祭天是因事地而逾疎於事天也議者曰當郊之歲以十月神州之祭易夏至方澤之祀則可以免方暑舉事之患夫所以議此者為欲舉從周禮今以十月易夏至以神州代方澤豈周禮之經耶議者曰當郊之歲以夏至祀地於方澤上不親郊天子於禁中望祀書之望秩周禮之四望春秋之三望皆謂山川在四郊者故遠望而祭也今云望祭是為京師不見地乎是時

軾建議主合祭從之者五人劉安世主分祭從之者四十人又有為禁中望拜之議者於是詔送下三狀再令詳定安世復言云臣等昨奉詔旨講議大典皆祖周制而或者欲於當郊之歲以十月神州地祇之祭易夏至方澤之祀可以免盛暑舉事之勞夫神州地祇乃天子建都之所一方之神爾非皇地祇之比也或者又欲於夏至之日上不親郊止設燿火天子望祀於禁中如西漢行宮故事此皆出於臆說違經害義不可施行內有

蘇軾一狀以合祭圜丘於禮為得不可復有更改臣等謹按祭祀之禮莫大於天地二儀敵體禮宜均一豈可親祀乃有隆殺古者祭天於冬至國南圜丘祭地於夏至國北方澤求神以類也今議者猥用王莽不經之說至引夫婦同牢私媒之語黷亂天地決不可從議者引周頌昊天有成命以為合祭之證竊詳是詩終篇未嘗有合祭之文所謂郊祀天地乃後儒叙詩者之辭耳蓋成周之世圜丘祭天方澤祭地皆歌此詩以為樂章非

謂易北郊之祀使就享南郊也借如其說潛之序曰季冬獻魚春薦鮪也豐年詩之序曰豐年秋冬報也噫嘻

序曰春夏祈穀於上帝也如此之類謂一祭耶二祭耶

彭汝礪上議曰先王之交於神明也既祭之以禮又求之以類春為陽故以正月迎於東郊秋為陰故以七月迎於西郊使易地迎之樵野備怪況鬼神乎先皇帝稽古是正何疑何恤而欲更之家人小祀尚慎廢舉天地重大堂容私議又曰合祭之議臣等謂不可者二十二人謂可者八人周禮聖人之言也合祭肇於漢末其言甚不經今委聖言而從不經不可也或曰合祭今世行之莫之改也夫先帝固已改之善矣今欲變之不可可也或曰親祀未能且從合祭可乎曰親祀非不可行以有事而擯焉亦禮也合祭非禮也先是禮部侍郎曾肇

上奏乞分祭畧曰天地合祭使於承祀神祇無不順之
理雖非先王之禮何為而不可蓋以聖人之於祭求之
於茫昧不可知之中故必因其方順其時而用其類以
致之先王以為求之如此其盡庶幾神之來享也苟為
反是則其於格神也難矣論者謂夏月行禮為難欲因
南郊併舉此施於人事以求自便也且屈已以從神與
屈神以從己二者孰安又曰今世之人家有尊長所居
異宮子弟致敬必即其處尚不敢屈致一堂況天子祀
地可不如家
人之禮哉

安世議未上會降旨罷集議詔依元祐七
年故事合祭天地紹聖元年五月右正言張商英言元
祐諸臣復請合祭之非詔下禮官議御史中丞黃履謂
南郊合祭因王莽諂事元后遂躋地位合席同牢迨先

帝親郊大臣以宣仁同政復用莽意合祀瀆亂典禮帝
詢輔臣章惇曰北郊止可謂之社黃履曰郊者交於神
明之義所以天地皆稱郊社者土之神爾大祇不可謂
之社乃以履奏下禮部禮部侍郎盛陶大常丞王誼等
皆言宜用北郊儀注罷合祭禮已而三省言盛夏祭地
必難親行詔兩省臺諫同議曾布錢勰范純禮韓宗師
王古并亮采常安民李琮虞策劉定傳楫黃裳豐稷葉
祖洽等言互有是否蔡京林希蔡卞黃履吳安持晁端

彥翟思郭知章劉拯黃慶基董敦逸等請罷合祭從之
然北郊親祀終帝之世未嘗克舉元符元年在司員外
郎曾旼言周人以氣臭事神近世易之以香按何佟之
議以為南郊明堂用沈香本天之質陽所宜也北郊用
上和香以地於人親宜加雜馥今令文北極天皇而下
皆用濕香至於衆星之位香不復設恐於義未盡又言
先儒以為實柴所祀者無玉楨燎所祀者無幣今衆星
皆不用幣蓋出於此考典瑞玉人之官皆曰圭璧以祀

日月星辰則實柴所祀非無玉矣禋燎無幣恐或未然於是每陞各設香命衆星各隨其方色用幣徽宗建中靖國元年詔初祀南郊權合祭天地於圜丘起居郎周常等以合祭為非禮曾布主其說乃詔罷合祭

按是年仍合祭

政和三年詔有司討論壇壝之制禮制局言古所謂地上圜丘澤中方丘皆因地形之自然王者建國或無自然之丘則於郊擇吉土以兆壇位為壇之制當用陽數今定為壇三成一成用九九之數廣八十一丈再成用

六九之數廣五十四丈三成用三九之數廣二十七丈
每成高二十七尺三成總八十一尺九九之數也陸級
二百一十有六乾之策也為三壝壝三十六步亦乾之
策也成與壝俱三參天地之數也詔從之舊制壝四成一成二十丈
再成十五丈三成十大成五丈成高八尺一寸十二
陸陸十二級三壝共二十五步又按政和郊制上帝版
位長三尺取參天之數厚九寸取乾元用九
廣尺二寸取天之備數書以蒼色象天之色

建炎二年築壇於揚州南門內江都縣之東南詔東京
官吏奉祭器大樂儀仗法物赴行在所冬至祀昊天

帝以太祖配

是年獨祭上帝

紹興十二年臣僚言自南巡以來

三歲三祀獨於明堂而郊天之禮未舉來歲之行大禮

詔建壇於臨安府行宮東門之外十三年建圓壇一成

廣七丈二成廣十二丈三成廣十七丈四成廣二十二

丈一十二陛陛七十二級每成十二級三壇第一壇去

壇二十五步中壇去內壇外壇去中壇各半之燎壇方

一丈高一丈二尺開上南出戶方六尺三出陛在壇南

二十步丙地其青城及望祭殿與行事陪祀官宿齋幕

次並令絞縛不修葢

中興不建齋宮惟設幕屋以架木
葦障上下四旁周以幄帝謂之幕

殿及行事又於壇所設大小次外又有望祭殿遇雨則
行事於中東都時為瓦屋五間中興後惟設帷屋而已

太常少卿程瑀言皇地祇當一依祀天儀式詔從之是

年禮部言郊祀大禮合依禮經皇帝服大裘被袞行禮

據元豐詳定郊廟禮文何洵直議以黑繒創作大裘如

袞惟領袖用黑羔乞如洵直議詔如祖宗故事以羔製

之禮部又言關西羊羔係天生黑色今有司涅白羔為

之不中禮制不如權以繒代又元祐中有司欲為大裘

度用百羔哲宗以為害物遂用黑繒請以太常所言從

之遂以袞襲裘冕亦十有二馬

按徽宗政和中禮局上大裘青衣纁裏黑羔皮

為頌禱禋朱裳被以袞服冬至祀昊天上帝服之立冬祀黑帝立冬後祭神州地祇亦如之

紹興郊

祀神位昊天上帝位皇地祇位於壇上北方南向西上

席以藁秸太祖皇帝位太宗皇帝位於壇上東方西向

北上席以蒲越天皇大帝五方帝太明夜明北極神州

地祇十位於第一龕北斗天一太一帝座五星十二辰

河漢等內官五行五岳神位六十有九於第二龕二十

八宿等中官五鎮四海四瀆神位百七十有二於第三
龕外官山林川澤邱陵墳衍原隰神位百五十有六於
內壝之內衆星神位三百有六十於內壝之外第一龕
席以藁秸餘以莞而席皆內向其祭玉昊天上帝以蒼
璧皇地祇以黃琮青帝以青珪赤帝以赤璋黃帝以黃
琮白帝以白琥黑帝以黝璜神州地祇以兩圭有邸日
月以璧五岳以兩圭有邸皆盛於匣昊天上帝配帝帛
皆以蒼皇地祇以黃日月內官以下冬從其方色其祭

品正配位籩四行以右為上第一行糗餌在前粉飡次之第二行醴在前黃白黑形鹽醢鮑魚鱠次之第三行乾棗在前濕棗栗濕桃乾桃濕梅乾榛榛實又次之第四行菱在前芡桌鹿脯又次之豆四行以左為上第一行醢食在前糝食次之第二行韭菹在前醢醢昌本麋鷄菁菹鹿鷄茆菹麋鷄又次之第三行葵菹在前羸醢脾析麋醢蜃蚘醢豚拍魚醢又次之第四行芹菹在前兔醢深蒲醢醢落菹雁醢笋菹魚醢又次之簋實以稻

梁梁在稻前簋實以黍稷稷在黍前登實以太羹籩前之
俎實以牛腥七體兩髀兩肩兩脅并脊兩髀在兩端兩
肩兩脅次之脊在中豆右之俎二為二重以北為上第
一重實以牛腥腸胃肺離肺一在上端寸肺三次之腸
三胃三又次之第二重實以牛熟腸胃其載如腥若配
位即以東為上著尊二一實元酒一實醴齊皇帝酌之
壺尊二一實元酒一實盎齊亞終獻酌之太尊二一實
泛齊一實醴齊山尊二一實盎齊一實醴齊犧尊二一

實沈齊一實事酒象尊二一實昔酒一實清酒並設而
不酌凡罍之實皆視其尊從祀諸神第一龕每位邊三
行以右為上第一行乾祿在前乾棗形鹽魚鱠次之第
二行鹿脯在前榛實乾桃次之第三行菱在前芡棗次
之豆三行以左為上第一行芹菹在前笋菹葵菹菁菹
次之第二行韭菹在前魚醢兔醢次之第三行豚拍在
前鹿醢醢次之簋實以稻粱粱在稻前簋實以黍稷
稷在黍前邊前之俎實以羊腥醢一豆前之俎實以豕

腥髀一登實以太羹爵實以酒其餘諸神位每位左二
邊巢在前鹿脯次之右二豆菁菹在前鹿鸞次之盥實
以稷簋實以黍俎實以羊豕腥肉登實以太羹爵實以
酒神州地祇五行五官五岳又實盤以毛血太尊實以
泛齊犧尊實以醴齊壺尊實以沈齊各以一尊實明水
概尊實以清酒散尊實以昔酒各以一尊實元酒著尊
象尊俱實明水上帝配帝之饌升郊階其餘神位各由
其階升孝宗隆興二年詔今歲冬至日當郊見上帝可

令有司除事神儀物諸軍賞給依舊制外其乘輿服御

及中外之費並從省約

是年孝宗初行大禮上問邦與明堂之費如何戶部尚書韓仲

通曰郊之費倍於明堂侍郎錢靖禮言不過二十萬若從祖宗故事一切從儉自宜大有減省上以為然乃詔

除賞軍事神

外並宜省約太常少卿洪适言陛下威德重華度越古

昔初講郊裡之禮宜進胙慈幃並受帝祉乞下有司草

具儀注進呈從之初降詔以十一月行事以冬至適在

晦日以至道典故改用獻歲上辛遂改來年元為乾道

以正月一日有事南郊禮成進胙於德壽宮以牛腥體

肩三臂二瞞二導駕官自端成殿簪花從駕至德壽宮
上壽飲福稱賀寧宗嘉泰三年秘書省言看詳福州進
士張容圖繳進南郊辨駁冊內太子庶子之星以謂皇
儲未慶理宜加祀並宋星乃國朝受命之符興王之地
及感生帝本朝係火德尤宜尊崇乞並特加祀於圜丘
容圖所陳數事實關國體辭理可採乞下禮寺施行從
之五年臣僚言樂工瞽師聲音之所自出今登歌之樂
列於壇上遽於上龕蓋上帝地祇太祖太宗並侑之側

也而宮架之樂列於千階之下則百神之所同聽也夫樂莫尚於和平今曼擊搏拊鼓吹八佾之工蓋數百人宴人賤工安能蠲潔此不可不嚴者一也自圜墮之上暨於層龕之相承位列甚衆所謂籩豆簠簋登鉶罇俎之實唯牲牢至期宰擊餘如臠鮑魚鱠與夫兔雁麋蜍之醢麋鹿之藹皆各司之所豫造也餌饗醢醢黍稷稻粱之食芹笋之菹則皆神厨至期之所造也竊聞豫造者先後遲速或不能措置已分至有色惡臭惡之慮而

先期呈饌之時或浹兩辰所供之物或不可用有司掌之者不過一巡視之而已以至酒齊之設凡有數等京尹之司不過委之右選趨走之人其為醇醑既不可品嘗其不中度者甚多也矧又有最甚者名為供官殆百餘人祭之日凡籩豆簠簋登鉶罇俎之屬滌濯固已鹵莽而夜半設實於器皆其手所敷頓此曹繁籍奉常平時所給微甚籃縷垢穢殆不可近而況執事之夕又復無所止宿半夜而興饋面濯手皆所不及而可令之供

祭實乎至若贊引之人亦百餘輩平時亦皆供官之類耳以垢汙之人而蒙之以漫漶之服是皆不可進退於神位儀物之間者也此不可不嚴者二也昔魯人之祭也日不足繼之以燭雖有彊力之容肅敬之心皆倦怠矣有司跛倚則為不敬之大今園丘一龕之位通二龕三龕至壝埒之內外為位者八百分獻之官贊禮之人不能審候壇上疾徐之節但欲速於竣事獻官既多而禮生率常抽差六部寺監帥漕之貼吏為之既不嫻習

於禮而贊引捷給獻官跪拜俛與酌奠皆不及於禮其
為怠慢甚矣此不可不嚴者三也臣愚以為郊禋大禮
百司所供之物所造之物各有攸司固不可不分任之
也而提綱總要當出於一奉常為九卿之長郊禋大禮
又奉常所掌臣前所陳登歌宮架之工奉常固自有籍
矣其有不足用則未免以寄名者足之今名為色長者
當攷見絲竹管絃有無斷闕速行修補仍必拘集羣工
洗沐澣濯存其衣裝之可者其有不整之人責限令其

措辦可也若供官贊引之人垢弊已甚又非樂工之比
已從御史臺行下奉常於一行人點名之外更加逐一
檢察合用若干人除其間稍可備數之人自餘垢弊已
甚必不可責其自辦者令奉常具申朝廷行下外祇備
庫將先來檢計退下漫漶舊弊之物置造衲衣一褐一
褲先期發下奉常見名責領色長至期盡去其垢弊之
衣而外襲之以法服表裏咸潔可以執事於邊豆簋簠
登銅罇俎之間矣若夫一行合干等人名數猥衆乞下

臨安府令先期一夕分就民居止宿夜半而興各磧面
濯手整束衣服以趨祭所仍周環壇下約每十數步為
置一盥悅俾供官禮生等人必先盥悅而後升壇所逐
位鋪設務令極其嚴潔所設神厨雖已差官監造亦必
奉常譏察之仍已下臨安府大禮酒庫專差文官監造
而豫造之厨從所司亟撥人員徑過奉常躬親監造可
也分獻贊引之人必令詳緩如禮亦從御史臺行下約
束夫以郊禋大禮鉅費至數百萬而四方之犒費不與

焉皆非切於事神也聲音氣臭之用莫嚴於園丘一處耳此而不嚴則鉅費數百萬皆所謂不揣其本而齊其末也其可不亟正之以對越天地祖宗之威靈從之度宗咸淳二年權工部尚書趙汝暨等奏臣等竊惟帝王受命郊見天地不可緩也古者有改元即郊不用前郊三年為計況今適在當郊之歲既踰大祥之期園丘之祀豈容不舉於是降札以十一月十七日欵謁南郊適太史院言十六日太陰交蝕遂改來年正月一日南郊

行禮太常寺言皇帝既已從吉請依儀用樂其十二月二十九日朝獻景靈宮三十日朝享太廟尚在禋制之內所有迎神奠幣酌獻送神作樂外其盥洗升降行步等樂備而不作是年將舉郊祀時復議以高宗參配吏部侍郎兼中書門下省檢正洪燾等議以為物無二本事無二初舜之郊嚳商之郊契周郊后稷皆所以推原其始也禮者所以別等差視儀則遠而尊者配於郊近而親者配於明堂明有等也臣等謂宜如紹興故事奉

太宗配將來明堂遵用先皇帝彛典以高宗參侑庶於

報本之禮奉先之孝為兩盡其至詔恭依

按周密南渡
典儀三歲一

郊豫於元日降詔以冬至有事於南郊或用次年元日
行事先於五六月內擇日命漕帥及修內司修飾郊壇
及絞縛青成齋殿等屋凡數百間悉覆以葦席護以青
布并差官兵修築泥路自太廟至泰裡門又自嘉會門
至麗正門計九里三百二十步皆以湖沙填築其平如
席以便五輅之往來每隊各有歌頭以綠旗為號兩街
居民各以綠段錢酒為犒又命象院教象前導朱旗以
二金三鼓為節各有幟頭紫衣蠻奴乘之手執短鞭旋
轉跪起悉如人意又以車五乘雇之以鐵多至萬斤與
輜輜重適等以觀疾徐傾側之勢至前一月進呈謂之
閱試及駕出前一日縛大綠屋於太廟前置輅其中許
都人觀瞻自前一月以來次第按試習儀殆無虛日郊

前十日執事陪祀等官並受誓戒於尚書省前三日百官奏請皇帝致齋於大慶殿是日上服通天冠絳紗袍綰結佩升高座侍中奏請降座就齋室次日車駕詣景靈宮服袞冕行禮禮畢駕回就赴太廟齋殿宿是夕四鼓上服袞冕詣祖宗諸室行朝饗之禮是夜鹵簿儀仗軍兵於御路兩旁分列間以執盆蕢燭自太廟直至郊壇泰禋門輝映如晝宰執親王貴家巨室列幕櫺比皆不達千里不憚重費豫定於數月之前而至期猶有為有力所奪者歌舞遊遨工藝百物輻輳爭售通宵駢闐至五更則驟稍先驅所至皆滅燈火蓋清道祓除之義黎明上御玉輅從以四輅導以訓象千官百司法駕儀仗錦繡雜還蓋十倍孟饗之數聲容文物不可盡述次第出嘉會門至青城宿齋四壁皆三衙諸軍周廬坐甲軍幕旌旗布列前後傳呼唱號列燭互巡往來如織行宮至暮則嚴更警惕鼓角轟振又有衛士十餘隊每隊十餘人互相唱探至三鼓執事陪祀官並入就黃壇排

立凡觀燈皆自為誌號如捧俎官則畫一人為捧俎之狀用丑時一刻行事至期上服通天冠絳紗袍乘輦至大次禮部侍郎奏中嚴外辦禮儀使奏請皇帝行事上服袞冕步至小次升自午階天步所臨皆藉以黃羅謂之黃道中貴一人以大合貯片腦迎前撒之禮儀使導殿中監進大圭至版位禮直官奏有司謹具請行事時墮壇內外凡數萬衆皆肅然無譁祀訖登門肆赦郊壇天盤至地高三丈四尺二寸通七十二級分四成上廣七丈共十二階分三十六龕午階闊一丈主上升降由此階其餘各闊五尺圍丘之上止設昊天上帝皇地祇二神位及太祖太宗配天十六龕共祀五帝太一感生北極北斗及分祀衆星三百六十位儀仗用六千八百八十九人自太廟排列至青城玉輅下祇應人共三百二十一人呵唱人員二人教馬二人挾捧輪將軍四人推掄車子官健八人駕士班直二百三十二人千牛衛將軍二員執太常龍旗官六員職掌五人導知官一名

手分一名庫子八人裝掛匠二人諸作工匠十五人蓋覆儀鑾司十一人監官三員金象革木輅每輅下一百五十六人玉輅青飾金輅黃飾象輅紅飾革輅淺色飾墨輅黑飾輅下有人冠服並依輅色玉輅前儀仗騎導騎導官左壁文臣右壁武臣六軍儀仗官兵二千二百二十二人在左右諸將軍十三員中道五員左右八員金吾衛仗司執纛稍八十人攝將軍八員仗下監門二十六員鼓吹五百八十三人導駕樂人三百三十人大禮後擇日行恭謝禮第一日駕出如四孟儀詣景靈宮天興殿聖祖前行恭謝禮次詣中殿祖宗神御前行禮還齋殿進膳訖引宰臣以下賜茶茶畢還內第二日將至太一宮道士率衆執威儀於萬壽觀前入園子內迎駕起居作法事前導入太一宮門降輦候班齊詣靈休殿參神次詣五福十神太一次詣申佑殿本命壯辰殿通直殿佑聖順福殿太后本命延壽殿南極火德殿禮畢宣宰臣已下合赴坐官並簪花對御賜宴上服幘頭紅

上蓋玉束帶不簪花御筵畢百官侍衛吏卒等並賜簪花從駕

遼太祖神冊元年正月庚寅命有司設壇燔柴告天即

皇帝位七年五月癸丑以黑白羊祭天地丙寅以青牛

白馬祭天地

按遼制凡國有大故及行軍必以黑白羊祭天地或以青牛白馬祭天地用青牛白

馬者誌其發祥所自不忘本也

十一月祠木葉山

按祭山儀設天神地祇位於木葉山東向

中立君樹前植羣樹以象朝班又偶植二樹以為神門皇帝皇后至額掄安班具禮儀牲用赭白馬元牛赤白

羊皆壯僕臣曰旗鼓蘇拉殺牲體割懸之君樹太巫以酒酌牲禮官曰多隆郭默德奏儀辨皇帝服金文金冠

白綾袍絳絳帶懸魚三山絳垂飾犀玉刀錯絡縫烏靴皇

后御絳絳絡縫紅袍懸玉佩雙結怕絡縫烏靴皇帝皇

后御鞍馬羣臣在南命婦在北服從各部旗幟之色以從又按太祖幸幽州大悲閣還白衣觀音像建廟木葉山尊為家神於拜山儀過樹之後增詣菩薩堂儀一節然後拜神非約尼和隆郭汗之故也 十二月

戊子燔柴於蓮花灤

按遼制行燔柴禮或一歲舉行或數歲一行無定時穆宗應

歷二年九月戊午詔以白黑羊元酒祭天歲以為常興

宗朝先有事於菩薩堂及木葉山遼河神然後行拜山

儀冠服節文多所變更後因以為常

金初因遼舊俗有拜天之禮

以重五中元重九日行之重五於鞠場中元於內殿

重九於都城外其制刻木為盤如舟狀赤為質畫雲鶴文為架高五六尺置盤於上薦食物其中聚宗族拜之

若至尊則以常武殿築臺為拜天所太宗即位告祀天地設位而祭天德

以後始有南北郊之制

南郊在豐宜門外當闕之已地圓壇三成成十二陛各案辰位

壇牆三匝四面各三門齋宮東北厨庫在南壇壇皆以赤土圻之冬至日合祀昊天上帝皇地祇於圜丘世

宗大定十一年始郊命宰臣議配享之禮左丞石琚言

案禮記萬物本乎天人本乎祖此所以祖配上帝也蓋

配之者侑神作主也自外至者無主不止故推祖考配

天尊之也兩漢魏晉以來皆配以一祖至唐高宗始以

高祖太宗崇配垂拱初又加以高宗遂有三祖同配之

禮至宋亦嘗以三帝配後禮院上議以為對越天地神
無二主由是止以太祖配臣謂冬至親郊宜從古禮帝
曰唐宋以私親不合古不足為法令止當以太祖配又
謂宰臣曰本國拜天之禮甚重今汝等言以古制築壇
亦宜我國家絀遼宋主據天下之正郊祀之禮豈可不
行乃以八月詔曰國莫大於祀祀莫大於天振古所行
舊章咸在仰唯太祖之基命紹我本朝之燕謀奄有萬
邦於今五紀因時制作雖增飾於國容推本奉承猶未

遑於郊見況天庥滋至而年穀屢豐敢不敷繹曠文明
昭大報取陽升之至日將親饗乎園壇嘉與臣工共圖
熙事以今年十一月十七日有事於南郊咨爾有司各
揚乃職相予祀事罔或不欽乃於郊見前一日徧見祖
宗告以郊祀之事其日備法駕鹵簿躬詣郊壇行禮章
宗承安元年將郊禮官言禮神之玉當用真玉燔玉當
用次玉昔大定十一年天地之主皆以次玉代之臣等
疑其未盡禮貴有恒不能繼者不敢以獻若燔真玉常

祀用之恐有時或缺反失禮制若從近代之典及本朝儀禮真玉禮神次玉燭瘞於禮為當近代郊自第二等升天皇大帝北極於第一等前八位舊各有禮玉燭玉而此二位尚無之案周禮典瑞云以圭璧祀日月星辰近代禮九宮貴人大火星位猶用周禮之說其天皇大帝北極二位固宜用禮神之玉及燭玉也帝命俱用真玉省臣又言前時郊天地配位各用一犢五方帝日月神州天皇大帝北極十位皆大祀亦當用犢當時止以

羊代第二等以下從祀神位則分判羊豕以獻竊意天地之祀籩豆尚多者以備陰陽之物鼎俎尚少者以人之烹薦無可以稱其德則貴質而已故天地日月星辰之位皆用一俎前時第一等神位偏用二俎似為不倫今第一等神位亦當各用犢一餘位以羊豕分獻從之二年十一月有事於南郊齋戒用唐制大祀散齋四日致齋三日中祀散齋二日致齋一日天子親祀皆前期七日攝太尉誓亞終獻官親王陪祀皇族於官省皇族

十五以上官雖不及七品者亦助祭受誓又誓百官於
尚書省昊天上帝皇地祇神座在壇上北方南向地祇
位在東稍却席皆以藁秸太祖配位座在東方西向席
以蒲越五方帝日月神州地祇天皇大帝北極神座於
壇上第一等席皆藁秸內官五十四座五神五官嶽鎮
海瀆二十九座在壇第二等中官一百五十有八座崑
崙山林川澤二十一座在壇上第二等外官一百六座
邱陵墳衍原隰三十座於內壇之內衆星三百六十座

在內壝之外席皆以莞天地配位各左十有二邊右十有二豆俱為三行登三在邊豆間簋二簋二於登前簋在左簋在右俎四毛血豆一各於神座前藉以席天地太尊著尊犧尊山罍象尊壺尊各二山罍各四配位著尊犧尊象尊壺尊各二山罍各四皆有站左以明水右以元酒第一等皆左八邊右八豆登在邊豆間簋一簋一在登前爵站一在神座前俎四第二等每座邊二豆二簋一簋一俎一爵站一第三等內壝內外官內壝外

衆星每位邊二豆二簋一簋一俎一爵一第一等每位
大尊著尊各二皆有坩第二等每位山尊二第三等每
位蜃尊二內壺內外每辰概尊二皆用勺自第二等以
下皆用匏爵其玉幣昊天上帝以蒼璧蒼幣皇地祇以
黃琮黃幣配位以蒼幣黃帝以黃琮青帝以青珪赤帝
以赤璋大明以青珪璧白帝以白琥黑帝以元璜北極
以青珪璧天皇大帝以元珪璧神州地祇以元色兩珪
有邸五帝之幣各從其方色昊天上帝皇地祇配位每

位籩三行以右為上形鹽在前魚鱸糗餌粉飡次之第二行榛實在前乾桃乾蓀乾棗次之第三行乾菱在前乾芡乾栗鹿脯次之豆三行以左為上芹菹在前笋菹葵菹次之第二行韭菹在前菁菹魚醢兔醢次之第三行豚胎在前醯醢飽食糝食鹿醬次之簋黍簋稷登太羹第一等每位籩三行以右為上形鹽在前魚鱸次之第二行乾蓀在前桃棗次之第三行乾芡在前榛實鹿脯次之豆三行以左為上芹菹在前笋菹次之第二行

菁菹在前韭菹魚醢次之第三行豚胎在前醢醢鹿醢
次之簋黍簋稷登太羹第二第三等每位籩二鹿脯乾
棗豆二鹿醢菁菹俎羊一體內壝內內壝外每位籩鹿
脯豆鹿醢俎羊一體昊天上帝皇地祇太尊為上實以
汎齊著尊次之實以體齊犧尊次之實以盎齊象尊次
之實以體齊壺尊次之實以沈齊山罍為下實以三酒
配位著尊為上實以汎齊犧尊次之實以醴齊象尊次
之實以盎齊壺尊次之實以醴齊山罍為下實以三酒

第一等每位太尊實以汎齋著尊實以醴齋第二等山尊實以醴齋第三等及內壝內廡尊實以汎齋內壝外及衆星概尊實以三酒五年五月勅重五拜天服公裳

者拜禮仍舊諸便服者並用女直拜

按金之拜制先袖手微俯身稍復却

跪在膝左右搖肘若舞蹈狀凡跪搖袖下拂膝上則至左右肩者凡四如此者四跪復以手按右膝單跪左膝而或禮因言搖手而拜謂之察楚是年五月上諭有司曰女直漢人拜數可以相從者酌中議之禮官奏曰周官九拜一曰稽首拜中至重拜君之禮也乞自今凡公服則用漢拜若便拜則用本俗之拜主事陳松曰本朝拜禮其來久矣乃便服之拜也可令公服則朝拜便服則從本朝拜平章政事張萬公謂拜禮各便所習不須

改也司空完顏襄曰今請雜髮皆從本朝之制宜從本朝拜禮松言是也上乃命公裳則朝拜諸色人便服則皆用本朝拜

元興朔漠代有拜天之禮衣冠尚質祭器尚純帝后親之宗戚助祭憲宗即位之年秋八月始以冕服拜天於日月山其十二月又用孔元措言合祭昊天皇后土始大合樂作牌位以太祖睿宗配享歲甲寅會諸王於庫庫淖爾之西丁巳秋駐蹕於準淖爾皆祭天於其地世祖中統元年夏四月躬祀天於舊桓州之西北灑馬渾以

為禮十二年十二月以受尊號遣使豫告天地下太常
檢討唐宋金舊儀於國陽麗正門東南七里建祭臺設
昊天上帝皇地祇位二行一獻禮自後國有大典禮皆
即南郊告謝焉十三年五月以平宋遣使告天地以國
禮行事成宗即位之四月為壇於都城南七里大德六
年春三月祭天遣左丞相哈喇哈斯攝事

此元代祀
天攝事之

始命獻官以下諸執事各具公服行禮是時大都未有
郊壇大禮用公服自此始時翰林國史院檢閱官袁楠

進十議曰天無二日天既不得有二五帝不得謂之天
作昊天五帝議祭天歲或為九或為二作祭天名數議
圜丘不見於五經郊不見於周官作圜丘非郊議后土
社也作后土即社議三歲一郊非古也作祭天無間歲
議燔柴見於古經周官以禋祀為大其義各有旨作燔
柴泰壇議祭天之牛角鼐栗用牲於郊牛二合配而言
之增羣祀而合祠非周公之制矣作郊不當立從祀議
郊質而尊之義也明堂文而親之義也作郊明堂禮

儀異制議郊用辛魯禮也卜不得常為辛作郊非辛日
議北郊不見於三禮尊地而遵北郊鄭元之說也
作北郊議禮官推其博多采用之九年二月右丞相
哈喇哈斯等言天子親祀者三曰天曰祖宗曰社稷今
宗廟社稷歲時攝官行事祭天國之大事也陛下雖未
及親祀宜如宗廟社稷遣官攝祭歲用冬至儀物有司
豫備制曰可於是翰林集賢太常禮官皆會中書集議
博士疏曰冬至圜丘唯祀昊天上帝至西漢元始間始

合祭天地歷東漢至宋十有餘年分祭合祭迄無定論
集議曰周禮冬至圜丘禮天夏至方丘禮地時既不同
禮樂亦異王莽之制何可法也今當循唐虞三代之典
唯祀昊天上帝其方丘祭地之禮續議以聞案周禮壇
三成近代增外四成以廣天文從祀之位集議曰依周
禮三成之制然周禮疏云每成一尺不見縱廣之度恐
壇上陘隘器物難容擬四成制內減去一成以合陽奇
之數每成高八尺一寸以合乾之九九上成縱廣五丈

中成十丈下成十五丈四陛陛有十二級外設二壝內
壝去壇二十五步外壝去內壝五十四步壝各四門壇
設於丙己之地以就陽位案古者親祀冕無旒服大裘
而加衮臣下從祀冠服歷代所尚其制不同集議曰依
宗廟見用冠服制度案周禮大司樂云凡孤竹之管雲
和之琴瑟雲門之舞冬至日於地上之圜丘奏之若樂
六變則天神皆降可得而禮矣集議曰樂者所以動天
地感鬼神必訪求深知音律之人審五聲八音以司肄

樂夏四月中書復集議博士言舊制神位版用木中書
議改用蒼玉金字白玉為座博士曰郊祀尚質合依舊
制遂用木主長二尺五寸闊一尺二寸上圓下方丹漆
金字木用松柏貯以紅漆匝黃羅帕覆之造畢有司議
所以藏議者復謂神主廟則有之今祀於壇對越在上
非若他神無所見也所製神主遂不用七月九日博士
又言古者祀天器用陶匏席用藁秸自漢甘泉雍時之
祀以迄後漢晉魏南壯二朝隋唐其壇壝玉帛禮器儀

伏日益繁縟浸失古者尚質之意宋金多循唐制其壇
壝禮器考之於經固未能全合其儀法具在當時名儒
輩出亦未嘗不援經而定也酌古今而行禮亦宜焉今
檢討唐宋金親祀攝行儀注并雅樂節次合從集議太
常議曰郊祀之事聖朝自定金宋以來未暇舉行今欲
修嚴不能一舉而大備然始議之際亦須酌古今之儀
垂則後來請從中書會翰林集賢禮官及明禮之士講
明去取以聞中書集議曰合行禮儀非草創所能備唐

宋皆有攝行之禮除從祀受祚外一切儀注悉依唐制
修之八月太常寺言尊祖配天其禮儀樂章別有常典
若俟至日議之恐匆遽有誤於是中書省臣奏曰自古
漢人有天下其祖宗皆配天享祭臣等與平章何榮祖
議宗廟已依時祭享今郊祀止祭天制曰可是歲南郊
配位遂省是年築郊壇於麗正文明門之南丙位設郊
祀署令丞各一員太祝三員奉禮郎二員協律郎一員
法物庫官二員時齊履謙攝司天臺舊制享祀司天雖

掌時刻無鐘鼓更漏往往至旦始行事履謙白宰執請用鐘鼓更漏俾早宴有節從之武宗至大二年十一月尚書省及太常禮儀院言郊祀國之大禮今南郊之禮已行而未備北郊之禮尚未舉行今年冬至祀天南郊請以太祖配明年夏至祀地北郊請以世祖配制可三年十一月丙申有事於南郊尊太祖皇帝配享昊天上帝五方帝日月星辰從祀英宗至治二年九月有旨議南郊祀事中書平章邁拉御史中丞曹立禮部尚書張

堊學士蔡文淵袁楠鄧文原太常禮儀院使王緯田天
澤博士劉致等會都堂議一曰年分按前代多三年一
祀天子即位以及三年當有旨欽依二曰神位周禮大
宗伯以禋祀祀昊天上帝注謂昊天上帝冬至圜丘所
祀天皇帝也又曰蒼璧禮天注云此禮天以冬至謂
天皇帝也在北極謂之北辰又曰北辰天皇耀魄寶
也又名昊天上帝又名太乙帝君以其尊大故有數名
今按晉書天文志中宮勾陳口中一星曰天皇帝其

神耀魄實周禮所祀天神正言昊天上帝鄭氏以星經推之乃謂即天皇大帝然漢魏以來名號亦從不一漢初曰上帝曰太乙曰皇天上帝魏曰皇皇帝天梁曰天皇大帝唯西晉曰昊天上帝與周禮合唐宋以來壇上既設昊天上帝第一等復有天皇大帝其五天帝與太乙天乙等皆不經見本朝大德九年中書圓議止依周禮祀昊天上帝至大三年圓議五帝從享依前代通祭三曰配位孝經曰孝莫大於嚴父嚴父莫大於配天又曰

郊祀后稷以配天此郊之所以有配也漢唐以來莫不
皆然至大三年冬十月三日奉旨十一月冬至合祭南
郊太祖皇帝配圓議取旨四曰告配禮器曰魯人有事
於上帝必先有事於類宮注告后稷也告之者將以配
天也告用牛一宋會要於致齋二日宿廟告配凡遣官
犧尊豆籩行一獻禮至大三年十一月二十一日質明
行事初獻攝太尉同太常禮儀院官赴太廟奏告圓議
取旨五曰大裘冕周禮司裘掌為大裘以共王祀天之

服鄭司農云黑羊裘服以祀天示質也弁師掌王之五
冕注冕服有六而言五者大裘之冕蓋無旒不聯數也
禮記郊特牲曰郊之祭也迎長日之至也祭之日王被
袞以象天戴冕璪十有二旒則天數也陸佃曰禮不盛
服不充蓋服大裘以袞襲之也謂冬祀服大裘被之以
袞開元及開寶通禮鑾駕出官服袞冕至大次質明改
服大裘冕而出次宋會要紹興十三年車駕自廟赴青
城服通天冠絳紗袍祀日服大裘袞冕圓議用袞冕六

曰匏爵郊特牲曰郊之祭也器用陶匏以象天地之性也注謂陶瓦器匏用酌獻酒開元禮開寶禮皆有匏爵大德九年正配位用匏爵有圜議正位用匏配位飲福用玉爵七曰戒誓唐通典引禮經祭前期十日親戒百官及族人太宰總戒羣官唐前祀七日宋會要十日纂要太尉南向司徒亞終獻一品二品從祀北向行事官以次北向禮直官以誓文授之太尉讀今天子親行大禮止令禮直局管勾讀誓文圓議令管勾代太尉讀

誓刑部尚書蒞之八曰散齋致齋禮經前期十日唐宋
金皆七日國朝親祀太廟七日散齋四日於別殿致齋
三日於大明殿圓議依前七日九曰藉神席郊特牲曰
莞簟之安而蒲越藁鞞之尚注蒲越藁鞞藉神席也漢
舊儀高帝配天紺席祭天用六綵綺席六重成帝即位
丞相衡御史大夫譚以為天地尚質宜皆勿修詔從焉
唐麟德二年詔曰自處以厚奉天以薄改用裋褐上帝
以蒼餘各視其方色宋以褥加席上禮官以為非禮元

豐元年奉旨不設國朝大德九年正位藁鞞配位蒲越
冒以青繒至大三年加青綾褥青錦方座圓議合依至
大三年於席上設褥各依方位十曰犧牲郊特牲曰郊
特牲而社稷太牢又曰天地之牛角繭栗秦用騶駒漢
文帝五帝共一牲武帝三年一祀用太牢光武採元始
故事天地共犢隋上帝配帝蒼犢二唐開元用牛宋正
位用蒼犢一配位太牢一國朝大德九年蒼犢二羊豕
各九至大三年馬純色肥腩一牲正副一鹿一十八野

猪一十八羊一十八圓議依舊儀神位配位用犢外仍
用馬其餘並依舊日已行典禮十一曰香鼎大祭有三
始煙為歆神始宗廟則煇蕭裸鬯所謂臭陽達於牆屋
者也後世焚香蓋本乎此而非禮經之正至大三年用
陶瓦香鼎五十神座香鼎香合案各一圓議依舊儀十
二曰割牲周禮司士凡祭祀率其屬而割牲禮運云腥
其俎熟其穀體其犬豕牛羊注云腥其俎謂豚解而腥
之為七體也熟其肴謂體解而燂之為二十一體也體

其犬豕牛羊謂分別骨肉之貴賤以為衆俎也七體謂脊兩肩兩拍兩髀二十一體謂肩臂臑膊肱正脊腓脊橫脊正脅短脅代脅并腸三胃三拒肺一祭肺三也宋元豐三年詳定禮文所言古者祭祀用牲有豚解有體解豚解則為七以薦腥體解則為二十一以薦熟蓋犬豕牛羊分別骨肉貴賤其解之為體則均也皇朝為牛馬豕鹿並依至大三年割牲用國禮圓議依舊儀十三曰大次小次周禮掌次王旅上帝張羶案設皇邸唐通

典前祀三日尚舍直長施大次於外壝東門之內道北南向宋會要前祀三日儀鑾司率其屬設大次於外壝東門之內道北南向小次於午階之東西向曲禮曰踐阼臨祭祀正義曰阼主階也天子祭祀履主階行事故云踐阼宋元豐詳定禮文所言周禮宗廟無設小次之文古者人君臨位於阼階蓋阼階者東階也唯人主得位主階行事今國朝太廟儀注大次小次皆在西蓋國家尚右以西為尊也圓議依祀廟儀注又續具未議一曰

禮神玉周禮大宗伯以禋祀祀昊天上帝注禋之言煙也周人尚臭煙氣之臭聞者積柴實牲體焉或有玉帛

正義曰或有玉帛或不用玉帛皆不定之詞也

按正義本文云

或有玉帛則有不用玉帛者因引肆師大祀用玉帛次祀用牲幣小祀用牲玉帛惟昊天上帝具之餘則或有或無是或之為言對中祀以下言之非不定之詞也禮官誤引而增不定之詞一語失其旨矣崔氏云

天子自奉玉帛牲體於柴上引詩圭璧既卒是燔牲玉也蓋卒者終也謂禮神既終當藏之也正經即無燔玉明証漢武帝祠太一胙餘皆燔之無玉晉燔牲幣無玉

唐宋乃有之顯慶中許敬宗等修舊禮乃云郊天之有四圭猶宗廟之有圭瓚也並事畢收藏不在燔列宋政和禮制局言古者祭祀無不用玉周官典瑞掌玉器之藏蓋事已則藏焉有事則出而復用未嘗有燔瘞之文今後大祀禮神之玉時出而用無得燔瘞從之蓋焚者取其煙氣之臭閒玉既無煙又且無氣祭之日但當奠於神座既卒事則收藏之二曰飲福特牲饋食禮曰尸九飯親嘏主人少牢饋食禮曰尸十一飯尸嘏主人嘏

長也大也行禮至此神明已享盛禮俱成故膺受長大之福於祭之末也自漢以來人君一獻纔畢而受嘏唐開元禮太尉未升堂而皇帝飲福宋元豐三年改從亞終獻既行禮皇帝飲福受胙國朝至治元年親祀廟儀注亦用一獻畢飲福三曰升禋禋之言煙也升煙所以報陽也祀天之有煙柴猶祭地之瘞血宗廟之裸鬯歷代以來或先燔而後祭或先祭而後燔皆為未允祭之日樂六變而燔牲首牲首亦陽也祭終以爵酒饌物及

牲體燎於壇天子望燎柴用柏四曰儀注禮經出於秦
火之後殘缺脫漏所存無幾至漢諸儒各執所見後人
所宗唯鄭康成王子雍而二家自相矛盾唐開元禮杜
佑通典五禮畧完至宋開寶禮并會要與郊廟奉祀禮
文中間講明始備金國大率依唐宋制度聖朝四海一
家禮樂之興正在今日況天子親行大禮所用儀注必
合講求大德九年中書集議合行禮儀依唐制至治元
年已有廟祀儀注宜取大德九年至大三年并今次新

儀與唐制參酌增損修之侍儀司編排鹵簿太史院具報星位分獻官員數及行禮並諸執事官合依至大年儀制亞終獻官取旨是歲太皇太后崩有旨南郊祀事可權止泰定帝泰定四年春正月御史臺臣言自世祖迄英宗咸未親郊唯武宗英宗親享太廟陛下宜躬禮郊廟制曰朕遵世祖舊典其命大臣攝行祀事文宗至順元年以將親郊勅有司繕治南郊齋宮太常博士言按前代典禮親郊前七日百官習儀於郊壇今既與

受戒誓相妨合於致齋前一日告示典祭執事者各具公服赴南郊習儀凡與祭執事齋郎樂工舊不設盥洗之位殊非涓潔之道今合於饌殿齋班廳前及齋宿之所隨宜設置盥洗數處俱用鍋釜溫水置盆杓巾悅令人掌管省諭必盥洗然後行事違者治之祭日太常院分官提調神廚監視割烹上下燈燭粃燎已前雖有剪燭提調粃盆等官率皆虛應故事或減刻物料燭燎不明又常見奉禮贊賜胙之後獻官方退所司使服徹俎

壇上燈燭不時俱滅因而禱人登壇攘奪不能禁止甚為褻慢今宜禁約省牲之前凡入壝門之人皆服窄紫有官者公服禁治四壝紅門宜令所司添造關木鎖鑰祭畢即令關閉毋使雜人得入其藁鞞匏爵事畢合依大德九年例焚之御史臺臣言祭日宜敕股肱近臣及諸執事人毋飲酒制可十月戊午致齋於大明殿己未遣亞獻官中書右丞相雅克特穆爾終獻官特穆爾布哈告廟請以太祖皇帝配享南郊庚申出次郊宮辛酉

帝服大裘衮冕祀昊天上帝於南郊以太祖皇帝配元
自世祖混一六合至文宗凡六世而南郊親祀之禮始
克舉焉其壇壝在麗正門外丙位凡三百八畝有奇壇

三成每成高八尺一寸上成縱橫五丈中成一丈下成

十五丈

至大三年冬至以三成不足以容從祀版位以青繩代一成繩二百各長二十五尺以足四成

制之四陛午貫地子午卯酉四位陛十有二級外設二壝

內壝去壇二十五步外壝去內壝五十四步壝各四門

外垣南櫺星門三東西櫺星門各一圓壇周圍上下俱

護以甃內外墻各高五尺墻四面各有門三俱塗以赤
燎壇在外墻內丙巳之位高一丈二尺四方各一丈周
圍亦護以甃東西南三出陛開上南出戶上方六尺深
可容柴香殿三間在外墻南門之外少西南向饌幕殿
五間在外墻南門之外少東南向省饌殿一間在外墻
東門之外少北南向外墻之東南為別院內神厨五間
南向祠祭局三間北向酒庫三間西向獻官齋房二十
間在神厨南垣之外西向外墻南門之外為中神門五

間諸報事齋房六十間以翼之皆北向兩翼端皆有垣以抵東西周垣各為門以便出入齊班廳五間在諸獻官齋房之前西向儀鑒局三間法物庫三間都監席五間在外垣內之西北隅皆西向雅樂庫十間在外垣西門之內少南東向演樂堂七間在外垣內之西南隅東向獻官厨三間在外垣內之東南隅西向滌養犧牲所在外垣南門之外少東西向犧牲房三間南向昊天上帝位天壇之中少北地祇位次東少却皆南向神席皆

緣以繒綾褥素座昊天上帝色皆用青皇地祇色皆用黃藉皆以藁秸配位居東西向神席綾褥錦方座色皆用青藉以蒲越其從祀圓壇第一等九位青帝位寅赤帝位巳黃帝位未白帝位申黑帝位亥主皆用柏素質元書大明位卯夜明位酉壯極位丑天皇大帝位戌用神位版丹質黃書神席綾褥座各隨其方色藉皆以藁秸第二等內官位五十有四鈞星天柱元枵天廚柱史位於子女史星紀御女位於丑皆西上帝座歲星大理

河漢析木尚書位於寅帝座居前行南上陰德大火天
槍元戈天牀位於卯北上太陽守相星壽星輔星三師
位於辰南上天一太一內厨熒惑鶉尾勢星天理位於
巳天一太一居前行西上北斗天牢三公鶉火文昌內
階位於午北斗居前行填星鶉首四輔位於未皆東上
太白實沈位於申北上八穀大梁杠星華蓋位於酉五
帝內座降婁六甲傳舍位於戌五帝內座居前行皆南
上紫微垣辰星陬訾勾神位於亥東上神席皆藉以莞

席內壇外諸神位皆同第三等中官百五十人位虛宿
女宿牛宿織女人星司命司非司危司祿天津離珠羅
堰天桴奚仲左旗河鼓右旗位於子虛宿女宿牛宿織
女居前行月星建星斗宿箕宿天雞輦道漸臺敗瓜扶
筐匏瓜天弁天梧帛度屠肆宗星宗人宗正位於丑月
星建星斗宿箕宿居前行皆西上日星心宿天紀尾宿
罰星東咸列肆天市垣斛斗星車肆天江官星市樓候
星女牀天籥位於寅日星心宿天紀尾宿居前行南上

房宿七公氏宿帝席大角亢宿貫索鍵閏鈞鈴西咸天
乳招搖梗河亢池周鼎位於卯房宿七公氏宿帝席大
角亢宿居前行北上太子星太微垣軫宿角宿攝提常
陳幸臣謁者三公九卿五內諸侯郎位郎將進賢平道
天田位於辰太子星太微垣軫宿角宿攝提居前行南
上張宿翼宿明堂四帝座皇帝座長垣少微靈臺虎賁
從官內屏位於巳張宿翼宿明堂居前行西上軒轅七
星三台柳宿內屏太尊積薪積水北何位於午軒轅七

星三台柳宿居前行鬼宿井宿參宿天尊五諸侯鉞星
座旗司怪天關位於未鬼宿井宿參宿居前行皆東上
畢宿五車諸王觜宿天船天街礪石天高三柱天潢咸
池位於申畢宿五車諸王觜宿居前行壯上月宿昴宿
胃宿積水天說巷舌天河積尸大陵左更天大將軍軍
南門位於酉月宿昴宿胃宿居前行婁宿奎宿壁宿右
更附路閭道王良策星天廐土公雲雨霹靂位於戌婁
宿壁宿居前行皆南上危宿室宿車府墳墓虛梁蓋屋

曰星杵星土公吏造父離宮雷電騰蛇位於亥危宿室
宿居前行東上內攢內外官一百六位天壘城離瑜代
星齊星周星晉星韓星秦星魏燕星楚星鄭星位於子
越星趙星九坎天田狗國天淵狗星驚星農丈人杵星
糖星位於丑皆西上車騎將軍天輻從官積卒神宮傳
說龜星魚星位於寅南上陣車車騎騎官頓頑折威陽門
五柱天門衡星庫樓位於卯北上土司空長沙青邱南
門平星位於辰南上酒旗天廟東甌器府軍門左右轄

位於巳西上天相天稷耀星天記外厨天狗南河位於
午天社天星水位闕邱狼星孤星老人星四瀆野雞軍
市水府孫星子星位於未皆東上天節九州殊口附耳
參旗九旂玉井軍并屏星代星天厠天矢丈人位於申
壯上天園天陰天廩天苑天囷芻藁天庾天倉鐵鎖天
溷位於酉外屏大司空八魁羽林位於戌皆南上哭星
泣星天錢天綱壯落師門敗臼斧鉞壘壁陣位於亥東
上內壙外衆星三百六十位每辰神位三十自第二等

以下神位版皆丹質黃書內官中官外官則各題其星
名內壝外三百六十位唯題曰衆星凡從祀位皆內向
十二次微左旋子居子陞東午居午陞西卯居卯陞南
酉居酉陞北祝版長各二尺四寸闊尺二寸厚三分木
用楸柏其圭幣昊天上帝以蒼璧一青璧一燎玉一皇
地祇黃琮一黃幣一配帝青幣一黃帝黃琮一青帝青
圭一赤帝赤璋一白帝白琥一黑帝元璜一幣皆如其
方色大明青圭有邸夜明白圭有邸天皇大帝青圭有

卽壯極元圭有卽幣皆如其玉色內官以下皆青幣凡
玉幣皆有篚尊壘上帝太尊一寶泛齊著尊一寶體齊
犧尊一寶盎齊山壘一寶三酒在壇上東南隅皆北向
西上設而不酌者衆尊二寶體齊壺尊二寶沈齊山壘
四寶三酒在壇下牛陛之東皆北向西上馬湏設於尊
壘之前注於器而冪之皇地祇亦如之在上帝酒尊之
東皆北向西上配帝著尊二寶泛齊犧尊二寶體齊象
尊二寶盎齊在地祇酒尊之東皆北向西上設而不酌

者犧尊二實醴齊壺尊二實沈齊山壘四實清酒在壇
下周陞之北東向北上亦有馬潼五帝日月北極天皇
皆太尊一實泛齊著尊二實醴齊內官十二次各象尊
二實體齊中官十二次各壺尊二實沈齊外官十二次
各槩尊二實清酒衆星十二次各散尊二實昔酒凡尊
各設於神座之左而右向皆有坩有勺加羃羃之繪以
雲唯設而不酌者無勺凡尊壘皆有上尊五齊之上尊
實明水山壘之上尊實元酒散齊之上尊亦實明水邊

豆之屬昊天上帝皇地祇及配帝籩十二其實魚鱸粢
餌粉養棗乾棹形鹽鹿脯榛桃菱芡栗豆十二其實芹
菹韭菹菁菹筍脾析醢食魚醢豚拍鹿醢兔醢醢醢
食登三實以太羹簋二實以黍稷簋二實以稻粱俎八
皆有匕筯匏爵一有坩沙池一青麤牲盤一從祀九位
籩八無粢餌粉養菱栗豆八無脾析醢食兔醢醢食簋
一實以稷簋一實以黍登一俎一匏爵一有坩沙池一
內官位五十四籩二實鹿脯乾棗豆二實鹿醢菁菹簋

一簋一登一俎一匏爵有玷沙池十二次各一中官百五十八皆邊一實鹿脯豆一實鹿鸛簋一簋一俎一匏爵有玷沙池十二次各一外官位一百六皆邊一豆一簋一簋一豆一匏爵沙池十二次各一衆星位三百六十皆邊一豆一簋一簋一俎一匏爵沙池十二次各一凡邊豆之設居神位左豆居右登簋簋居中俎居後邊皆有巾巾之繪以斧其牲昊天上帝蒼犢皇地祇黃犢配位蒼犢大明青犢夜明白犢天皇大帝蒼犢壯極元

犢皆一馬純色一鹿十有八羊十有八野豕十有八兔
十有二蓋參以國禮割牲為七體左肩臂肅兼代脅長
脅為一體右肩臂肅代脇長脇為一體右脾耽胙為一
體脊連背膚短脇為一體膺骨臍腹為一體項脊為一
體馬首報陽升煙則用之毛血盛以豆或青甃盤饌未
入置俎上饌入徹去之親祀御版位一飲福位及大小次
盥洗爵洗版位各一皆青質金書亞獻終獻飲福版位一
黑質黃書天壇椽燭四皆銷金絳紗籠自天壇至內壇

外及樂縣南北通道絳燭三百五十素燭四百四十皆絳紗籠御位楮燭六銷金絳紗籠獻官楮燭四雜用燭八百觔盆二百二十有架黃桑條去膚一車束之置燎壇以焚牲首順帝至正十五年冬十月甲子帝謂右丞相鼎珠等曰敬天地尊祖宗重事也近年以來闕於舉行當選吉日朕將親祀郊廟務盡誠敬不必繁文卿等其議典禮從其簡者行之遂命右丞外蘭左丞呂誠領其事癸酉哈瑪爾奏言郊祀之禮以太祖配皇帝出官

至郊祀所便服乘馬不設內外儀仗教坊隊子齋戒七
日內散齋四日於別殿致齋三日二日於大明殿西幄
殿一日在南郊祀所是年先以郊祀命皇太子祭告太
廟十一月親祀上帝於南郊以皇太子為亞獻攝太尉
右丞相鼎珠為終獻元制天子親郊冕無旒服大裘而
加衮搢大圭執鎮圭皇太子侍祠
服衮冕而執圭諸臣奉祀三獻官司徒大禮使七梁冠
加龍巾貂蟬助奠以下諸執事官冠制加貂蟬無龍巾
而有六梁四梁三梁二梁之異御史冠二梁
加獬廌俱青羅服裳紱綬環並同笏以木

欽定續通典卷四十六